

三才廣志

廣志卷之三百三十八

處事

智之目

處事解

附事類凡三十八條

謹微

投機

相時

待時

隨宜

順便

救故

量力

語練

謀畫

鑒戒

衆難

辯白

權變

機密

操縱

委曲

豫備

神速

遠慮

傳遠

有定力

識大休

鎮定大事

轉移人心

處事間暇

區處得當

與時高下

知所愛重

控制有道

窮達兩得

公私兩全

生以制勝

操約馭詳

衆力易成

影響相應

事同休異

謹微

要語

經過其憂悔吝之時其介不可慢也注悔吝纖芥  
雖細不可慢易而不謹也 怨豈在明不見是圖  
出五子之歌 怨不在大出康誥並書

念慮幾微以保其安出書注 相在爾室尚不愧于

屋漏無曰不顯莫予云覲出詩抑 能謹微接

下出詩吉日聽於無聲視於無形出曲禮上 礼

之教化也微其止邪也於未形使人日徙善遠罪

而不自知也易曰君子謹始差若毫釐繆以千里

出經解 君子戒謹乎其所不睹恐懼乎其所

不聞莫見乎隱莫顯 故君子謹其獨也 知

微之顯可以與入德

並記

子夫墻之壞必於隙劍之折必有 人見之蚤  
故萬物莫能傷也出淮南子 君子微慎厥德悔  
吝不至出楊子脩身 智者識輕小之為善故謹  
微細之危出劉子謹隙

史無使滋蔓蔓難圖也出左隱元 君親無將將  
而誅焉出公羊莊三十二 紂始為象箸箕子歎  
曰彼為象箸必為玉盃為玉盃則必思遠方珍怪  
之物與焉宮室之漸自此始不可振也出史宋世  
家 明者遠於未萌而知者避危於無形禍固多  
藏於隱微而發於人之所忽者也出漢武紀 春秋  
之義君親無將將而必誅出漢明紀並通鑑 凡  
患生於所忽禍發於細微出馮衍傳輕者重之端

小者大之源故限清鑑孔氣洩鑑亡明者謹微智者識  
淺出陳忠傳

絕其綿綿塞其緇緇出樂恢傳互入豫備

政令猶汗往而不反出胡廣傳 君子推微達

著尋端見緒履霜知冰踐霜知暑出蔡邕傳

喜怒怨慶禍福所因可不謹歟出孔融傳並東漢

當及其根柢未深而撲取之此救大貴速之勢也

出通鑑魏文紀互入投機 百尋之屋突直而燎

焚千里之堤鐵經而穿敗古人防小以全大謹微

以杜萌出晉書陳頤傳 魏證上言比者弟子陵

師奴婢忽主下多輕上皆有為而然漸不可長出

通鑑唐太宗 褚遂良曰諫臣必諫其漸及其滿

盈無所復諫出唐書 沛王賢聞王勣善屬文召

為修撰時諸王門難勅威為檄周王難文王見之  
怒曰此乃交構之漸乍勅出沛府出通鑑唐高宗  
互入遠慮小者大之漸微者著之萌故君子謹  
初聖人存戒出陸贄傳隙不在大出柳公綽傳並  
唐書

傳記語曰教婦初來教兒嬰孩出顏氏家訓  
狐鼠微物亦蟲大猷出選粹文

投機附錄

要語

經君子見幾而作不俟終日出易繫辭 時哉弗可失出書泰誓上

子雖有智慧不如乘勢出孟子 禹之趨時也履遺而不取冠挂而弗顧非爭其先也爭其得時也出淮南子 成務雖均機速為上決謀或同遲緩為下善濟事者若救火拯溺出列子

史圖之此為時矣出左莊六 智者不失時出子貢傳 死生榮辱貴賤尊卑此時不再至出魯仲建傳 時間不容急出陳餘傳並史記

時者難得而易失時乎時不再來出西漢蒯通傳 先即制人後則為人所制出項羽紀 時乎時乎

聞不及謀羸糧躍馬惟恐後時出李斯傳平曰  
臣為事來所言不可以過今日出陳平世家范  
蠡曰會稽之事天以越賜吳吳不取今天以吳賜  
越其可逆天乎出越世家並史

張良陳平說曰漢有天下太半而諸侯皆附楚  
岳疲食尽此天亡之時也今釋弗繫以謂養虎自  
為患也出通鑑漢高紀互入失機趣時若猛獸  
驚鳥之發出貨殖傳操刀必割出賈誼傳伍入  
果決鳳鳥棄於風騶人棄於時出韓安國傳並  
西漢善人在患飢不及餐出通鑑漢殤紀陳  
琳曰失在弦上不可不發出後漢當及其根柢  
未深而撲取之此救大貴速之勢也出晉武紀  
幣勞永遠時不可失出宋太祖庾質曰事機在



連緩則無功出隋紀並通鑑 救機之會間不容  
出唐張公謹贊 唐睿宗曰鷹搏狡兔須急拔  
之不爾必及為所噬互入救援 李絳曰錢 尽  
更來機事一失不可復追出唐憲宗紀 周行逢  
曰機事貴連緩則彼為之備不可圖也出周太祖  
並通鑑集賢餘勇者宜乘破竹之勢出元微之集  
變通之間不容髮出白帖 時不再來出唐文  
粹家 范蜀公諸建儲後移書執政曰事當論其  
是非不當問其難易連則濟緩則不及此聖賢所  
以貴機會也諸公言今日難於前日安知他日不  
難於今日乎出范鎮墓誌 無則無機以濟万世  
之功出老泉

量力

要語

經貧者不以貨財為礼老者不以筋力為禮出禮  
記曲禮上 陳力就列不能者止出語季氏子短  
綆不可以及深出荀子 量力而動其過鮮矣出  
僖二十年 冉求曰小人慮材而言量力而共者  
也出襄十一年並左傳 皇甫規對曰德不稱祿  
猶鑿墉之趾以益其高豈量力審功安固之道哉  
出通鑑漢殤記

集量力守故輒出陶淵明 大厦既焚不可洒之  
以淚長河一法不可障之以手出庾信連珠互見  
勢力不敵

相時

要語

經有其禮無其財君子弗行也有其財而無其時  
君子弗行也出記檀弓下

子為可為於可為之時則從為不可為於不可為  
之時則凶出楊子在夷貉則引之倚門牆則麾之  
出楊子修身 世治則以義衛身世亂則以身  
衛義出文子

史陸賈曰馬上得之寧可馬上治之乎出西漢孔  
子對葉公以來遠哀公以臨人景公以節禮非其  
不同所急異務也出通鑑漢質紀禮教榮辱以加  
君子化其情也桎梏鞭朴以加小人化其形也出  
通鑑漢獻紀 崔郾為廣州刺史治以寬經月不  
笞一人及涖鄂州嚴法峻誅不貸出唐書天下未  
定則專取其財不考其行乘亂既平則非才行兼

備不可用也出通鑑唐太宗柳仲郢為京兆尹政  
號嚴明後出為河南厭郡邑之

治本惠養出唐書互入政事

鮮出唐文粹 君子救時雖切必相時度力以以  
致其用不可則靜而鎮之以道訓服出司空表聖  
集

宋朝人臣納說於君因其既厭而止之則易為力  
迎其方銳而折之則難為功出東坡代張方平諫  
用兵書

待時

要語

經君子藏器於身待時而動 尺蠖之屈以求信  
也龍蛇之蟄以存身也並出易繫辭 有美玉於

斯超積而歲諸求善價而沽諸子曰沽之哉沽之哉我待價者也出語子罕

子雖有鎡基不如待時出孟公孫丑上

史姑務修德以待時乎出莊八年 譬如農夫是穠是藁雖有飢饉必有豐年並出左傳互入有備

戢鱗濟翼思屬風雲出晉宣帝紀 王猛歛翼

待時候風雲而後動出晉書王猛傳 陸法和曰

凡人取果宜待熟時不捺自落出通鑑梁世祖

元魏子謹曰州郡之戍昔人所鄙白晷之位須待

時來出北史本傳

集貴賤貧富不可求方正身履道以俟時出曹大

家東征賦 雖無玄豹姿且隱南山霧出謝朓詩

仲尼旅人文王明夷苟非其時聖賢低眉出李

太白 天馬長鳴待駕馭出杜詩 未展從東駿  
空飛圖南翼出駱賓王 勉哉耘其業以待歲晚  
收 填窓塞戶慎勿出暄風暖景明年日並出韓  
文 低回且向籠間宿奮迅終須天外飛出白樂  
天 潛龍須待壺声雷出杜牧之 六翮未因風  
武伯蒼 龍蟠泥中未有雲不能生彼昇天翼出  
張文昌 天矯太空鱗曾為小泉蛰出孟東野  
夫豫章珠璣鏤錡毛嫵終不慮隱櫃繞注櫃一作  
櫝撓一作梳惟之為患而擁腫磔石鈎鉞宿癘之  
排蔽但發 疾徐耳出權德輿 蛰龍三冬卧  
老鶴萬里心出唐文粹 冬去冰須泮春來草自  
生出馬道互見委順

朱旆徊且垂翼會且秋風時出歐公集 龍不冬

躍黃能夜飛君子小人各有其時出卻充夫

隨宜

要語

經深則厲淺則揭出衛風匏有苦葉 豈期食魚  
必何之魴豈有取妻必齊之姜出衛門 統其深  
矣方之舟之就其淺矣泳之遊之雖無肯酒式燕  
庶幾雖無肴式食庶幾雖無德與女式歌且舞出  
詩變小雅車牽禮從宜出曲禮上子游問喪具夫  
子曰稱家之有亡出檀弓上 君子之於禮也  
有直而行也有曲而終也出禮記 啜菽飲水盡  
其歡斯之謂孝歟手足形還葬而無槨稱其材斯  
之謂禮出檀弓下並禮記子為高必因丘陵為下  
必因川澤清斯濯纓濁斯濯足並出孟離卷上

夫特腰裏飛兔而駕之則世莫乘車待丙施毛端  
而為配則終身不家矣出淮南子齊俗訓

史何必華山之騷耳而右行遠乎出樂書 浴不  
必江海要之去垢焉不必騏驥要之善走出外戚  
世家並史 未能免俗聊復爾耳出晉書集雖無  
絲竹管絃之盛一觴一詠亦足以暢叙幽情出王  
羲之蘭亭記 王鮪登俎不假吞波之魚蘭膏傳  
室不思銜燭之龍出連珠互見知足 聽極於音  
不慕釣天無樂身足於蔭不假垂天之雲並出選  
摘家隨豐儉 盤食市遠之兼味樽酒家貧只  
舊醅並出杜詩摘家開戶牖量力置園林出白樂  
天

宋華佗不世出天下未嘗廢醫出東坡



順使

要語

子循水之就下就之走曠出離婁上 由水之就  
下沛然誰能禦之 若決江河沛然莫之能禦也  
並孟子 父母於子東西南北惟命之從出莊子  
若挈裘頤誦五指而頤之順者不可勝數也出  
荀子勸學 勢如決積水於千仞之隄若轉圓石  
於萬夫之谿出淮南子兵畧訓

抹敬

要語

經國者則示之以儉國儉則示之以禮出記檀弓下  
子掃地而求更新出文子

史除煩辭婉如紹天出西漢晁錯傳 破觚為圓

新凋為璞出酷吏傳與滯補弊舉甚偏以補其弊  
為政不行甚者必變而更化之乃可理也並出  
西漢董仲舒策 譬若衣敗壞一以相補猶有所  
完若不如是將兩無所保出真誦傳 補紙敗壞  
板杜邪傾出崔寔傳並東漢

語練

附處事下

要語

經

子

史晉侯在外十九年矣險阻艱難備嘗之矣民之  
情偽盡知之矣出左傳三十八年 春秋高閔天  
下之義理多矣出史記漢文紀 素宦於朝出西  
漢鄒陽傳 時朝廷無故典又少舊臣侯霸明習

故事收錄遺文條奏前世善政法度施行之出通鑑漢光武紀 胡廣練達事体明解條章 張純在朝歷世明習故事建武初舊章多闕每有疑議輒以訪純自郊廟冠婚喪紀禮儀多所詮定並出東漢本傳 黃瓊昔隨父在臺閣習見故事及後居職達練官曹爭議朝堂莫能抗奪出漢陽紀 前世難易靡所不嘗出魏明紀 刁協久宦中朝練諳舊事賀循為世儒宗明習禮學凡有疑議皆取決焉出東晉元帝 王僧綽幼有大成之度衆以國器許之好奉有思理練悉朝典出宋太祖王儉自晉宋以來故事無不諳憶出齊太祖紀 年長識高故知有夷險出齊紀 久處朝廷諳練事体出唐憲宗 李晟曰吾生長西陲備諳虜情

出唐德宗紀並通鑑 蘇瓌明曉法令多識臺省  
舊章一朝格式皆所刪正齊澣為中舍人朝廷大  
政必資之時號解事舍人並出唐書

謀畫

附從事下

要語

經方叔元老克壯其猷出詩采芑 四十始仕方  
物出謀慮慮出記內則 好謀而成出語述而  
子蕪才尚權右計左數 群策屈群力並出楊重  
黎

史禪謀謀於野則獲謀於邑則否出左傳 靜淵  
以有謀出史記帝項紀 蘇秦怨秦之敗從念莫  
可使用於秦者乃使人微咸張儀陰奉以車馬金  
錢所欲用為取給而弗告張儀遂得以見秦惠王

惠王以為容與謀伐諸侯蘇成之舍人辭去張儀  
曰賴君得顯方止報德何故去也舍人曰臣非知君  
知君乃乃蘇君愛秦伐趙敗從約以為非君莫能  
得秦柄故威怒君使臣陰奉給君資以蘇君之計  
謀今君已用請歸報張儀曰此在蘇君術中而不  
悟吾不及蘇君明矣吾又新用安能謀趙乎為吾  
謝蘇君蘇君之時儀何敢言范雎曰王不如遠  
交而近攻得寸則王之寸得則則王之尺甘羅  
年少出一奇計聲稱後世亦戰國之策士也虞  
卿料事揣情為趙畫策何其工也並出本傳蔡  
澤謂范雎曰君相秦計不下席謀不出廊廟出制  
諸侯君之功極矣出蔡澤傳並史侯嬴曰吾聞  
晉鄙兵符在王臥內而如姬最辛力能竊之嘗聞

公子為如姬報其父仇欲為公子死無所辭公子  
誠一開口則得虎符奪晉鄙之兵此救趙却秦

此五伯之功也公子如其言却秦出通鑑周紀

六奇既用諸侯賓從漢呂之事平為本謀子房

計謀圖難於易為大於細並出太史公自序有

上書告韓信反上問陳平平日舉兵攻之是趣之

戰也陛下第偽遊雲夢其勢必郊迎謁謁而會之

此特一力士之事耳常以為然遊雲夢信果郊迎

武士縛之載後車出史陳平世家張良歸漢多

病未嘗特將常為畫策張良曰九王布楚烏將

與項王有隙彭越與齊反梁地比兩人可急使而

漢王之將獨韓信可任大事當一面即欲捐之比

三人則楚可破也並出通鑑漢高紀韓生說漢

王曰願王出武關項王必引兵南走王深壁令滎陽城皐間且得休使韓信等輯河北趙他王乃後走滎陽未晚如此則楚所備者多分漢得休復興之戰破楚必矣項王聞漢王在宛果引兵南漢堅壁不與戰陳平自初從至天下定從擊滅秦陳稀黥布凡六出奇計世莫得聞也韓信已破齊使人言曰不為假王恐不能安齊漢王欲攻之留侯曰不如因而立之使自為乃遣張良操印綬立韓信為齊王並出漢高祖並史項羽急圍漢王漢王與酈食其謀撓楚摧酈生日陛下誠復立六國後此皆爭戴階下德義願為臣妾漢王曰善遂刻印酈生未行張良從外來謁漢王且以酈生計告良良曰誰為陛下畫此計者臣請借箸以等

之且夫天下遊士離親戚棄墳墓去舊舊從陛下者但日夜望咫尺之地今乃立六國後遊士各歸事其主從親戚又故舊陛下誰與取天下乎誠用此謀陛下事去矣漢王輟食哺吐罵曰豈儒幾敗乃公事令逡銷印出西漢張良傳 漢王與齊王信魏相國越期會繫楚信越不至張良曰楚兵且破二穀城皆以王彭越從陳以東傳海與齊王信信家在楚其意欲復得故邑能出捐此他以許兩人使各自為戰則楚易破也漢王從之於是韓信彭越皆引兵來 太尉復令酈寄與典客劉揭先說呂祿曰帝使太尉守北軍欲足下之國急歸將印辭去不然禍具起呂祿以為酈况不欺已遂解印屬典客而以兵屬太尉並出通鑑漢高紀 諸



呂檀權陳平惠之陸賈曰天下安危注意將相將相和調則士豫附君何不交驩太尉平用其計以五百金為絳侯壽太尉報亦如之兩人深相結諸呂謀益壞出陸賈傳 陳涉為人沈勇有大慮多策謀出本傳 經術文雅足以謀王體新國語出薛宣傳互入文雅並西漢 智畧謀慮朝之淵藪出伏湛傳互入智愚 援謀如湧泉出馬援傳勇驚有智謀出吳漢傳 儒者當謀謨廟堂出虞詡傳並東漢 諸葛亮勸農講武作木牛流馬運米集料谷口出通鑑魏明紀 元齡善謀出新唐書杜如晦傳 張柬之沈厚有謀能斷大事 淄清李正己德宗時畏帝威斷表獻錢三十萬緡以觀朝廷帝意其詐未能吞崔祐甫為相曰正己誠詐

不如因遣使勞其軍以所獻就賜將士若正己奏  
詔是陛下恩洽將士若不用彼自歎怨軍且亂人  
使諸蕃不以朝廷為重賄帝曰善正己慚服時議  
者題其謀謨並出唐書本傳互入區處得當 李  
德裕為兵部尚書初李宗閔與德裕有隙德裕還  
自西川上注意甚厚朝夕且為相宗閔百方沮之  
不能京兆尹杜悰宗閔黨也嘗諸宗閔見其有憂  
色曰得非以大戎乎宗閔曰然何以相救悰曰悰  
有一策可乎宿憾恐公不能用宗閔曰何如悰曰  
德裕有文季而不由科第靠用此為悰恨若使之  
知舉必喜矣宗閔默然不問曰更思其次悰曰不  
則用為御史大夫宗閔曰此則可矣悰乃詣德裕  
迎揖公曰何為訪此寂寥悰曰靖安相公令悰達

意即以大夫之命告之德裕驚喜泣下曰此大門  
官小子何足以當之寄謝重沓出唐文帝互入解  
粉 朱瑾遣家奴通候問於徐知訓知訓疆欲私  
之瑾已不平知訓過別瑾瑾置酒自捧觴出寵妓  
使歌以所愛馬為壽知訓大喜瑾因延之中堂伏  
壯士於戶內出妻陶氏拜之知訓益拜瑾以笏自  
後挈之踣地呼壯士出漸之瑾先繫之二悍馬於  
廡下將圖知訓密令人解絛之馬相蹄齧聲甚厲  
以是外人莫之聞出後梁太祖並通鑑集選等合  
上意諫諍即見聽出王褒聖主待賢臣頌 卷三  
謨虞箕子訪周言通帝王謀合聖神出班固賓戲  
蕭曹魏邠謀謨乎其上出選班固西征賦碩登  
精通出選賦 深圖密慮衆莫能窺 計如投水

思若轉規 廟勝之筭 應變無窮並出選銘

經綸八方出唐文粹 宋西夏趙德明言民飢求

糧百萬斛真宗問王旦旦敕有司具粟百萬於京

師詔德明來取德明得詔書慙曰朝廷有人出王

旦伸道碑互入區處得當 昔者諸呂用事陳平

憂慮計無所出陸賈入見說之使交歡周勃平用

其策卒得絳侯北軍之助以滅諸呂出老泉 淮

陰侯見高帝於漢中論劉項短長盡取三秦如指

掌及佐定帝天下漢中之言無一不酬者諸葛孔

明草廬中與先主策孫權規取劉璋因蜀之言無

資以爭天下終身不易其言此豈口傳耳授嘗試

為之而僥倖其或叙東出哉者成坡范文正公集

鑒戒

附處市下

要語

經人無於水監當於民監出書酒誥 殷監不遠  
在夏后之時出詩變大雅

子借明為鑑出淮南子

史前事不忘後事之師出鄭世家 鑑於水者知  
面容鑑於人者知吉凶出蔡澤傳並史 前車覆  
後車戒秦世之所以亟絕者其轍 可見也然而  
不避是後車又將覆也出通鑑往事所以知今出  
馮異傳 明鑑未遠覆車如昨出陳蕃傳並後漢  
艱難 用度亭下

要語

經予手拮据予所將荼予所蓄租予口卒瘠出鵠  
鶚 陟彼砠矣戎馬瘡矣戎僕痛矣云何吁矣出

卷耳並詩

子若負重行而上也出莊子盜跖

史險阻艱難備嘗之矣出左傳 蒙霜露沐風雨

出西漢淮南王安傳 逆坂走丸迎風縱棹豈云

易哉出皇甫嵩傳 間闕險難並出後漢

辯白 附處事下

要語

經無信人之言人實廷女出詩陽之水廷音誰

子曰二三子以我為隱乎吾無隱乎爾吾無行

而不與二三子者是立也出論語述而子如使子

欲富辭十萬而受萬是為欲富乎出孟子公孫且

下 子豈好辯哉不得已也出孟子滕公文下

史考問左驗明白出西漢陽惲傳師古曰言當時

在其左右見此事者也

貫高怨家知其謀上吏

告之於是上逮捕趙王及諸及者趙主等十餘人  
皆爭自剄貫高獨怒罵曰雖公令為之今王實無  
謀而并捕王公等皆死誰曰王不及者乃諸長安  
高對王獄獨吾屬為之王實不知吏知傍笞數千  
刺別身無可擊者終不後言貫高曰人情寧不各  
愛其父母妻子乎今吾曰族皆以論死豈愛王過  
於吾親哉顧為王實不及獨吾等為之出通鑑漢  
惠紀 初大司馬周勃中書郎陸機為趙王倫撰  
禪詔狀欲殺之入將軍為之辦理得免死自表為  
平原內史出晉惠帝紀 張昌宗曰詵嘗謂元忠  
為伊周伊尹放太甲周公攝王位詵曰易之兄弟  
小人徒問伊周之語安知伊周之道曰若元忠初

衣紫臣以郎官往賀元忠語客曰無功受寵不勝  
慙愧臣實言曰明公居伊周之任何愧三品彼伊  
尹周公皆為臣至忠古今仰慕陛下用宰相不使  
學伊周當使事誰耶且臣豈不知今日附昌宗立  
取治術附元忠立致族滅但臣畏元忠冤魂不敢  
誣之耳出通鑑唐中宗紀 議者或罪張巡以守  
睢陽不去與 食人眉若全人其友 李翰為知  
作傳表上之以為若不時記錄恐遠而不傳使巡  
生死不過誠可悲哉出通鑑唐肅宗紀 帝戲弟  
吾倫曰聞卿為吏第婦公不過從兄飯寧有之耶  
對曰臣三要妻皆無父少遭飢亂實不敢妄過人  
食出東漢本傳 李成大安園多竹後 為飛語  
者云歲伏兵大安園謀困倉卒為變歲遂砍伐其



之既飲而觀天子治出韓文

委曲附處事下

要語

經其次致曲曲能有誠出記中庸

子川雖曲而動諸海塗雖曲而通諸夏出楊子史  
河千里而一曲出公羊

傳記孟嘗君每與客坐語屏風後常有侍使主記  
祈與客語知其親戚居處客去後使謝餽無所遺  
失出春秋後序

集情深禮至款密重複出列賓客集

本朝左尹子華因墳典而道祈招之詩左師觸龍  
語臚粥而及長安之質出東坡啓古之聖賢欲  
行其意必有以曲成之未常直情而徑行也出東

坡集

豫備附處事下

要語

經水在火上既濟君子以思患而預防之出既濟  
重門擊柝以待暴客蓋取諸豫君子安而不  
忘危存而不忘亡治而不忘亂是以身安而國家  
可保也互入遠慮並出繫辭並易惟事事有備  
有備無患出書說命中造天之未陰雨徹彼桑  
土綢繆膽戶出書鴻鵠三年耕必有一年之食  
以年耕必有三年之食以三十年之通制國用雖  
有凶旱水溢民無菜色出王制其備豫有如此  
者出儒行凡事豫則立不豫則廢出中庸並記  
子孔子曰有文事必有武備有武事必有文備出

家語 國難於其易為大於其細出老子 茲本  
而鄰用則天 不能貪養備而動時則天不能病  
故水旱不能使之飢渴寒暑不能使之疾祲恠不  
能使之凶出大論 先患慮患謂之豫豫則禍不  
生出大畧並荀子 事無備則廢是以聖王務其  
大備出管子霸言 夫天地之大計三年耕而餘  
一年之食率九年而有三年之蓄十八年而有六  
年之積二十七年而有九年之儲雖沴旱災害之殃  
民莫窮困流亡也出淮南子主術訓

史魏絳曰抑臣願君安其樂而思其終也書曰居  
安思危思則有備有備無患出襄十 備豫不虞  
古之善教也出文六年備豫不虞善之大者也  
凡百君子莫不成備言備之不可以已也並出成

九年 士季曰諸侯相見軍衛不撤警也出宣十  
二互入防閑並左 智若備禍於未形出史趙世  
家 夫積貯者天下之大命苟粟多而財有餘何  
為而不成以攻則取以守則固以戰則勝懷敵附  
遠何招而不至 堯有九年之水湯有七年之旱  
而國無捐瘠者以蓄積多而備先具也出漢文紀  
並通鑑 絕其綿 塞其涓 出東漢樂恢傳互  
入謹微 防隄完全雖遭雨水霖潦不能為變出  
通鑑 顏真卿為平原守安祿山逆鄴頗著真卿  
以霖雨為託修城浚壕無幾祿山果反河朔尽陷  
獨平原城守具備互入先見 善治病者不使至  
危憊善救災者勿使至賑給故賑給少則不足活  
人活人多則闕用國用闕則緩重歛矣出劉晏

傳並唐書

傳記陶公作荊州牧船官使鋸木屑不限多少悉藏之時咸不辭此意後正會值積雪會日始晴厥事前除雪地甚潤濕於是用木屑覆之都無所妨出也說

集服絺綌之涼者不苦盛暑之鬱燠襲貂狐之煖者不虞至寒之悽愴何則有其具者易其備也出王褒聖主得賢臣頌 一歲之旱人斯具舟三月之熱人斯具裘出劉賓客 蓄穀者不病凶年蓄珠玉者不虞殍死出柳文

宋如儲藥石以待疾病如種梓漆以備器用 出東坡韓維父億制

神速

附成事下

要語

經惟神也故不疾而速不行而至出繫辭

子發若機括出莊齊物論 擊電無餘光疾雷無

餘聲出公孫子

史不崇朝徧雨乎天下出公羊傳 至如炎風去

如收電出韓安國傳 揉曲木者不累日銷金石

者不累月出公孫弘傳 口雖未言聲疾雷震令

雖未出化馳如神出蒯通傳 機事以速為神震

雷不及掩耳出唐李靖傳

遠慮 附處事下

要語

經君子以思患而預防之出既濟 君子安而不

忘危存而不忘亡治而不忘亂是以自安而國家

保也出繫辭互見預備並易 惟懷永圖出太甲

上 樹德務滋除惡務本出泰誓下居寵思危

制治于未亂保邦于未危並出周官並書 瞻言

百里出詩桑柔注遠慮也 君子言必慮其所終

行必稽其所弊出記緇衣 吾恐季孫之憂不在

顓臾而在蕭牆之內也出語季氏

子魯參出妻終身不要其子請焉告之曰高宗以

後妻出孝己尹吉甫以後妻嫉伯奇容知其得免

乎出家語 得其所利必慮其害樂其所樂必顧

其敗出老子 季平子卒將以君之璠與欵贈以

珠玉孔子聞之歷級而救焉送人以寶玉是猶曝

尸於中原也出家語子貢 以千歲之法自持者

是乃千歲之信士也出荀王伯滿盛之國不可以

仕任注滿盛則敗亡亦不可任其事也 滿盛之家不可以嫁子驕居傲暴之人不可與交出管  
子白心篇

史定姒薨不殯于廟無襯不虞臣慶謂季文子曰子為正卿而小君之喪不成君長誰受其咎出襄四晉傳僂曰雖克鄭猶有知在憂未艾也出襄三言晉知氏將為難並左 天勢在人臣之位而有高天下之名竊為足下為之出蒯通傳 蕭何不治垣屋曰令後世賢師吾儉不賢母為勢家所奪出本傳並前漢 竇長君竇廣國賜田宅封公昆弟於長安絳侯灌將軍 曰吾屬不死命且縣此兩人兩人所出微不可不為擇師傅賓客又後效呂氏大事也於是選士之有節行者與居竇



長君少君由此為退讓君子不敢以尊貴驕人出  
史外戚也家傳不疑名重朝廷大將軍霍光欲  
以女妻之不疑固行於杯杓蒯軻之變必起於帷  
幄出息夫躬傳張釋之曰豈效畜夫喋喋利口  
徒給哉以口辯而楚迂之臣恐天下隨風而靡出  
本傳安不忘危盛必慮衰出陳湯傳梁商常曰  
多藏厚亡為子孫累每祖奉到及兩宮受賜便  
置中門外未嘗入藏悉分與昆弟中外出本傳互  
入好施一胫之大幾如腰一指之大幾如股平  
君不可屈信一二指搖身慮亡聊識今不治必為  
痼疾後雖有扁鵲不能為已出賈誼傳並西漢  
班昭女誡云生男如狼猶恐其狂生女如鼠猶恐  
其虎出東漢列女傳梁冀既誅李固子爽乃還

鄉里婦戒變曰吾家血食將絕弟幸得濟豈非天  
耶且杜絕衆人勿妄往來慎無一言加於梁氏加  
梁氏則連主上禍重至矣唯引咎而已出漢桓紀  
北海王褒謹慎好學文學防輔遂具表稱陳羣  
美衆聞之大驚俱責讓文學曰修身自守常人之  
行耳而諸君乃以上聞是適所以增其負累也出  
三國魏文互入保身李豐年十七八已有清名  
海內翕然稱之其父太僕恢不顧其然故使閉門  
斷客出魏高貴鄉公曹問曰未大必折尾大不  
掉尾同於體猶或不後況非體之尾其可掉尾  
晉武欲使羊祜卧護諸將祜曰取吳不必匡行但  
既平之後當勞聖慮耳出晉紀初可曾侍武帝  
宴退謂諸子曰主上開朝大業吾每宴見未嘗聞

經國遠圖及身而後已嗣其殆乎汝輩猶可以免  
指諸孫曰此屬必及於難及綏死兄嵩哭之曰我  
祖其殆耶乎出晉懷紀 王猛寢疾堅親至猛第  
訪以後事猛曰晉雖僻處江南然正朔相承上下  
安和臣沒之後願勿以晉為國鮮卑西羌我之仇  
敵終為人患宜漸除之出晉文紀 謝瞻見弟晦  
門巷填隘口勢傾朝氏豈門戶之福耶出晉安帝  
紀下 王晏外弟尉氏阮孝緒亦知晏必敗晏屢  
至其門逃匿不肯見嘗食醬美問之得於晏家吐  
而覆之出齊高宗紀互入免禍外表 魏主疾甚  
謂司徒勛曰社稷所倚惟在於汝霍子孟諸葛孔  
明以異姓猶受顧託况汝親賢可不勉之勛泣曰  
昔周公大賢成王至明猶不免疑而况臣乎如此

則陛下愛臣更為未盡始終之美出齊東昏侯  
高澄曰堪敵侯景者惟慕容紹宗我故不貴之晉  
以遺汝終恐尾大於身踵粗於股屈強不掉狼疾  
難馴 梁太子於玄圃自講老莊何教容謂李士  
吳孜曰昔西晉祖尚玄虛使中原淪於胡羯今東  
宮復爾江南亦將為戎乎 淮南長鯨雖云援首  
襄陽短狐未全革面 齊顯祖嗜酒成疾不復能  
食自知不能久謂李后曰人生必有死何足致惜  
但憐正道尚幼人將奪之耳又謂常山王演曰奪  
則任汝慎勿殺也並出梁高祖 北齊王晞曰人  
生恩私何由可保萬一披猖求退無地非不好作  
要官但思之爛熟耳出陳世祖 齊右丞斛金長  
子光為大將軍次子羨及孫封侯顯貴甚衆門中

一皇后二太子妃三公主事齊三世貴寵無比然金不以為喜嘗謂光曰我雖不讀書聞古來外戚鮮有能保其族者女若有寵為諸貴所嫉無寵為天子所憎我家宜以勲勞致富貴何必籍女寵也

蘇威少有令名周晉公護強以女妻之威見護專權恐禍及已屏居山寺以諷讀為娛 隋蔡王智積有五男止教讀論語孝經恐諸子有才能以致禍也並出陳紀 人主誠能見可欲則思知足將興繕則思知止處高危則思謙降臨滿盈則思挹損遇逆樂則思樽節在宴安則思後患防壅蔽則思延納疾諛邪則思正己行爵賞則思因喜而借施刑罰則思因怒而濫 上既詔宗室群臣襲封刺史左庶子于志寧以為古今事殊恐非久安

之道上疏爭之侍御史馬周亦上疏以為孩童嗣  
賊萬一驕愚兆庶被其殃而國家受其敗正欲絕  
之也則文子之治猶在欲番之也而樂廢之惡已  
彰向所謂愛之者乃適所以傷之也 上謂太子  
曰李世勣才智有餘然汝與之無恩恐不能懷服  
我今黜之若其即行俟我死汝於後用為僕射親  
任之若徘徊顧望當殺之耳並出唐太宗 沛王  
賢聞王勅善屬文召為修撰時諸王閹難勅戲為  
檄周王雞文上見之怒曰此乃交構之漸斥勅出  
沛府 上御翔鷹閣觀大酺分音樂為東西朋使  
雍王賢主東朋周王顯主西朋角勝為樂郝處俊  
諫曰貳王春秋尚少智取未定當推梨讓棗相親  
如一今分二朋遙相競誇俳優小人言辭無度恐

其交爭勝負講誦失禮非以崇禮義勸敦睦也出

唐高宗並通鑑 姚崇析資令諸子各有定分治

令曰比見達官之裔多貪困至銖尺是競無論曲

直均受嗤詆田宅水磴既共有之至相推倚以碩

廢陸賈石苞古達者也亦先有定分以絕後爭出

新唐書本傳 李勣寢疾謂其弟司衛少弼弼曰

我見房杜平生勤苦僅能立門戶遭不肖子蕩覆

無餘吾有此子孫今悉付汝其有 氣不倫交遊

非類者皆先撾殺 頸曰合水土為泥有爭太

后 之又曰分半為佛半為天尊有爭乎曰

有爭矣頊頊首曰宗室外戚各當其分則天下安

今太子未立而外戚猶為王此陛下驅之使它日

必爭而不得安也出唐武后 二張之誅也洛州

長史薛季昶謂張柬之敬暉曰二凶雖除產祿猶在草不去根終當復生二人曰大事已定彼猶搢上肉耳夫何能為季昶嘆曰吾不知死所矣劇出末亦謂巨彥範敬暉曰武三思尚存公輩終無葬地若不早圖噬臍何及出唐中宗立入先見其古之智者皆不願受夷狄之惠蓋豫憂其請無厭終為後患故也出唐睿宗 齊澣言高福順典禁不宜與毛仲為昏毛仲小人寵過則生姦不早為之恐成後患又曰君不密則失臣願陛下密之 張嘉貞不營家產有勸其市田宅者嘉貞曰吾貴為宰相何憂寒餒若其護罪雖有田宅亦無所用比見朝士廣占良田身沒之後適足為賴子孫酒色之資吾不取之 上召子儀還京師朔方將



士樂子儀之寬悍光弼之嚴張用濟與諸將謀以  
精銳突入東京逐光弼請子儀康元寶曰君以兵  
請郭公朝廷必疑郭公諷君為之是破其家也郭  
公百口何負於君乎用濟乃止出唐肅宗 郭子  
儀每見賓客姬妾不離則盧杞嘗往問疾子儀悉  
屏侍妾獨隱几而待之或問其故子儀曰杞醜  
而心險婦人輩見之必笑它日杞得志吾族無類  
矣出唐德宗 夫以匹夫愛其子猶知求名哲之  
師而教之况萬乘之嗣繫四海之命乎 憂先於  
事故能無憂事至而憂無救於事並出唐憲宗互  
入儆戒 鄭注求為鳳翔節度使請禮部員外郎  
韋溫為副使溫不可或曰拒之必為患溫曰澤禍  
矣若輕拒之止於遠貶從之有不測之禍卒辭之

出唐文宗 度支以用度不足奏借富戶及胡商財物敕借其半監鐵轉運使高駢上言天下盜賊盜起皆出於飢寒獨富戶胡商未耳乃止出唐僖宗 楊涉當為宰相與家人相泣謂其子凝式曰此吾家之不幸也必為汝累出唐昭宗 蜀諸王皆領軍使彭王宗鼎謂其昆弟曰親王典兵禍亂之本今主 臣彊譏問將具繕甲訓士非吾輩所宜為也因固辭軍使蜀主許之旦營書舍植松竹自娛而已出後梁王珣入保身並通鑑 崔琳盧從愿兩人宰相望元宗欲相之類矣以族大恐附離者衆卒不用出親唐書崔儼傳 帝屢戒晉王曰昔吾西征見唐十八陵無不發掘者此無他惟多藏金玉故也我死當衣以紙歛以瓦棺勿作石

羊虎人馬惟刻石置陵前曰周天子平生好儉約  
遵令用紵衣瓦棺嗣天子不敢違也汝或吾違吾  
不福汝出通鑑周太祖

集團墮於豐防儉於逸出潘岳籍田賦 留作功  
成身退地出劉禹錫

宋李宸妃薨呂夷簡為相請厚葬之章獻怒公  
曰陛下不以劉氏為念臣不敢言尚念劉氏喪禮  
宜後厚出呂夷簡行狀 太書文字防隄老劉買  
田園准備閑出倦游錄 初議貶蔡確新州范忠  
宣謂呂汲公曰此路荊棘已七八十年吾輩開之  
恐自不免出聞見錄 有非常之功聖人之所甚  
懼也雖大功而不忘戒懼出東坡士燮論

傳遠

附錄事下

要語

經足以垂也立教傳之子孫以貽後代並出書  
序克勤無怠以垂憲乃後出書祭仲之命夫  
罪有銘銘者自也自名以稱揚其先祖之美而  
明著之後世者也出記祭統百世以俟聖人而不  
惑出記中庸刻工姓名於其器以察其信出記  
月令注

子聖人有世之師也出孟子垂憲言以貽後人  
仲尼有雲我欲托之空言不如載之行事之深  
切著明也並出孟序死者萬世之名出列子  
書之竹帛琢之盤孟傳以遺後世子孫出尹鄧子  
尚賢篇託竹素者為世寶也出抱朴子上文云  
孔鄭之門耳聽口文者滅絕

史銘其功烈以示子孫出左襄十九互入功業

臧文仲既沒其言立出左襄二十四 孔子布衣

十餘世季者宗之出史記孔子世家贊 燕齊

之祀與周並傳子繼弟及歷載不墮出前漢功臣

表 雖經千載遺風餘烈尚猶不絕出前樂志

垂功名於竹帛出東漢鄧禹傳

有定力

要語

經子文三仕為令尹無喜色三已之無愠色出語

公冶長

子南宮縚世清不廢世濁不滂出家語 富貴不

能涵貧賤不能移威武不能屈出騰文公下 死

壽不貳修身以俟之所以立命也 君子所性雖

大行不加焉雖窮居不損焉並出尽心上互入不  
可損益並益舉世而譽之不加勸舉世而非之  
不加沮出逍遙遊篇互入不可損益大澤焚而  
不能熱河漢涸而不能寒疾雷破山風振海而不  
能驚出齊物死生驚惧不入乎胸中是故運音  
悟物而不懾出至樂揮斤八極神氣不變出田  
子方孔子窮於陳蔡之問七日不火食蔡蒙  
不慘顏色甚憊而弦歌於室並出莊子鄉黨不  
以為榮國毀不以為辱出列仲尼權利不能傾  
羣衆不能移天下不能蕩出荀鍾山之玉炊以  
爐炭三日三夜而色澤不變出淮南子互入是真  
難滅久幽而不改其操雖隋和何以加諸出楊  
閔明謝安處富貴而獨退靜破符堅而無喜色

出文中子

史子路曰君子死冠不免結纓而死出左傳又見  
史記衛世家 禍至不惧福至不喜出宋世家  
不辜乎卑亂之語不奪乎衆多之口出鄒陽傳並  
史記 項王使武涉往說齊王信 謝曰夫人深  
親信我我倍之不祥雖死不易幸為謝項王出通  
鑑漢高記 于定國飲酒至數石不亂出西漢本  
傳 蘇茂周建復聚兵挑戰王霸堅卧不出方饗  
士作倡樂茂雨射營中中霸前酒樽霸安坐不動  
出通鑑漢光武記 刺客刺來歙未殊馳召蓋延  
延見歙因作悲哀不能仰視歙叱延曰今使者中  
刺客無以報國故呼巨卿欲相屬以軍事而反効  
兒女子涕泣乎刃雖在身不能勤兵斬公邪歙自

書表曰臣夜人定後為何人所傷賊中臣要害臣不敢自惜恨奉賊不稱以為朝廷羞抽刃而絕出通鑑漢光武記凡人富貴當使可賤出焉援傳

不屑毀譽出馬寥傳東漢 竇憲將征匈奴三公

九卿詣朝堂書上諫輒寢宋由懼遂不敢復署議而諸卿稍自引上唯素安任隗守正不移至免冠朝堂固爭前後且十止衆皆為之危懼安隗正色

自若出通鑑漢和記 盧植事馬融融外戚豪家

多列女倡歌舞於前植侍講積年未嘗轉盼出東漢本傳 李 死於獄中臨命與胡廣趙戒書曰

固受國厚恩是以竭其股肱不顧死亡至欲扶持

王室比隆文宣何圖一朝梁氏迷謬公等曲從以吉為凶成事為敗乎漢家衰微從此始矣等受主



厚祿顛而不扶傾覆大事後之良史豈有所私固  
身已矣於義得矣夫彼何言廣戒得書悲慙皆長  
歎流涕而已 梁冀使人脅杜喬曰早宜從妻子  
可得全喬不肯明日冀遣騎至門不開哭者遂白  
太后收繫之死獄中並出漢質記互入責望 太  
尉楊秉亮秉為入清白寡欲嘗稱我有三不惑酒  
色財也 范滂至獄獄吏謂曰凡坐繫者皆祭臯  
陶滂曰臯陶右之直臣知滂無罪將理之於帝如  
其有罪祭之何益並出漢桓紀 臣者張讓以事  
中王允遂傳不獄會赦還為刺史旬日間復以它  
罪被捕楊賜不欲 更楚辱遣客謝之曰君以張  
讓之事故一月再徵凶惡難量幸為深計諸從事  
好氣決者共流涕奉藥而進之允厲声曰吾為人

臣獲罪於君當伏大辟以謝天下豈有乳藥求死  
乎投杯而起出就檻車既至廷尉得減死論出漢  
靈記並通鑑 晏嬰不降志於白刃南史不曲筆  
以求存出臧洪傳 袁閔投迹深林潛身十八年  
黃巾賊起攻沒郡縣百姓驚散閔誦經不移並出  
東漢 怒不變容喜不失節故最為難出通鑑漢  
獻帝 蹈海之節千乘莫移其情出逸民傳論  
宜倖臨白刃而色正 孔融被誅二子方奔其被  
收而不動左右父執而不起何也答曰安有巢毀  
而卵不破乎並出東漢 孔融傳 雖遇履虎神氣  
恬然出三國名臣贊 先王八益州劉璋張飛諸  
葛亮分定郡縣破璋將嚴顏生獲顏曰大軍至何  
不亮顏曰我州但有斷頭將軍無降將軍飛怒令

斫頭顏色不變曰斫頭便斫頭何為怒耶飛壯而  
釋之出蜀志互入不屈陸遜遣親人韓 扁奉表  
詣吳主邏者得之諸葛瑾聞之甚懼書與遜云大  
駕已還賊得韓扁具知吾濶狹且水乾宜當急去  
遜未答方催人種蒔豆與諸將弈棋射戲如常出  
通鑑魏明記 智者不為小利移目不為意似改  
步出通鑑魏元帝 賈充見夏侯統令妓統其船  
三匝統若無聞充曰此吳兒水人石心也出晉書  
諸葛誕以氣勵稱常倚柱讀書雷震其柱讀書  
自若出曹嘉之晉紀 孔坦將卒庾冰省之流涕  
坦慨然曰大丈夫將終不問以濟國安民之術乃  
為兒女子湘泣邪水深謝之 桓溫來朝或云欲  
誅王謝謝安神色不變並出通鑑晉紀 殷浩被

然談詠不輟雖家人不見其有流放之感謝安  
嘗與孫綽泛海風起浪湧諸人並懼安吟嘯自若  
並出晉書本傳陶侃疾篤上表遜位遣右長史  
殷羨奉送所假節麾幢曲蓋侍中貂蟬大尉章荆  
江雍梁交廣益寧八州刺史印傳祭戰軍資器仗  
牛馬舟船皆有定簿尉印倉庫侃自管鑰以後事  
付右司馬王愨期出晉成紀魏冉閔使常煒使  
燕燕主雋使封祿誥之積柴其旁使祿以其私誘  
之曰君更熟思無為徒取灰滅煒正公色曰吾聞  
死者骨肉下于土精魄升于天蒙君之惠速益薪  
縱火使僕得上訴于帝足矣吾結綏以來尚不欺  
布衣况人主乎曲意苟合性所不能直精盡言雖  
沈東海不敢避也出晉穆紀秘書監太原孫盛

作晉春秋直書時事大司馬溫見之怒謂盛子曰  
枋頭誠為失利何至乃如尊君所言若此史遂行  
自是閉君門戶事其子遽并謝請改之時盛年老  
家居性方嚴有執度諸子乃共號泣稽顙請為百  
口計盛大怒不許諸子遂私改之盛先已寫別本  
傳之外國出晉海西公紀並通鑑 張融為封溪  
令路經嶂嶮獠賊執融將殺食之融神色不動方  
作洛生詠賊異之而不害浮海至交州於海中遇  
風終無懼色方詠曰乾魚自可還其本鄉肉肺復  
何為者哉 山陰公主淫恣悅褚彥回以白帝帝  
召彥回西上閤宿十日公主夜就之憐見逼迫彥  
回整身而立從久至曉不為移志公主謂曰君鬚  
髯如戟何無丈夫意彥回曰雖不敏何敢首為亂

階出本傳並宋書

魏宗愛用事威振四海嘗倨

見百官於郡生王公已下皆趨庭望拜高允獨并

階長揖出宋武紀

柳元景知禍

至入辭其母

整朝服乘車應召弟車騎司馬叔仁戎服帥左右

壯士欲拒命元景苦禁之既出卷軍士大至元景

下車受戮出通鑑宋太祖

王景文賜死救至景

文正與客碁

函者已復置局下神色不變方與

客思行爭劫局竟歛手納奩畢徐曰奉敕見賜以

死方以敕示客出通鑑宋明紀

王惠嘗臨曲水

風雨暴至坐者皆馳散惠徐起不異常日不以沾

濡改出南史

帝召允謂曰國書皆浩作不允

曰太祖記前著作郎鄧彥海所撰先帝記及今記

臣與浩同作然而臣多於浩帝大怒曰此甚於浩

安有生路景祿曰天威嚴重允達亂失次耳臣向  
問皆云浩作帝問如東宮不允曰臣罪滅族不敢  
虐妾殿下以臣侍講日久衰臣乞命實不問臣不  
敢迷亂帝謂景祿曰直哉此亦人情所難而能臨  
死不移且對君以實真臣也寧失一有罪宜宥之  
出北史高允傳互入無隱 魏徵每犯顏進諫雖  
逢帝甚怒神色不徙議者以為貴有不能過出唐  
書魏徵傳 盧承慶典選內外官考有一官督運  
遭風失米考之曰監運損糧考中下其人容色白  
若無言而退承慶重其雅量改注曰非力所及考  
中中既無喜色亦無愧詞又改曰寵辱不驚考中  
上出通鑑唐高宗紀 徐公當雷震之震而能全  
仁恕雖千載未見其此出唐書徐有功傳有功我

后時為廷尉后多殺人

劉禘之竊謂賈大隱曰

太后既廢昏立明安用臨朝稱制不如送政大隱  
密奏之太后命王本立推之本立宣敕示之禘之  
曰不經鳳閣鸞臺何名為敕太后大怒賜死禘之  
初下獄齊宗為之上疏申理中表皆賀之禘之曰  
此乃所以速吾死也臨刑沐浴神色自若自草謝  
表立成數紙張楚金魏元忠並免死流嶺南臨  
刑太后使鳳閣舍人王隱客馳騎傳声赦之声達  
於市當刑者皆喜躍謹呼宛轉不已元忠獨安坐  
自如或使之起元忠曰臣實未知隱客至又使起  
元忠曰俟宣敕已既宣敕乃徐起舞蹈再拜竟無  
憂喜之色並出唐武后季朝隱前後執破斜封  
官一千四百餘人怨謗紛然朝隱一無所顧出唐



唐宗室通鑑 拂國忠專國權勢可多或勸張巡  
一見且顯用荅曰是方為國怪祥朝宦不可為也  
出張巡傳 令狐楚為太原掌書記鄆儋在鎮恭  
卒不及指撫後事軍中喧譁將夜忽十數騎持刀  
迫楚至軍門諸將環之令草遺表楚在白刃之中  
搦管立成讀示三軍無不感泣由是名重並出唐  
書互入敏捷察屬二類 李希烈留顏真卿不遣  
朱滔王武後田悅李紘各遣使詣希烈上表稱臣  
召顏真卿示之真卿叱之曰汝知有罵安祿山死  
者顏杲卿乎乃吾兄也吾年八十知守節而死耳  
希烈乃使甲士十人守真卿於館舍搥攻於庭云  
欲抗之真卿怡然見希烈曰死生已定何必多端  
遂以一劍相與豈不快公心事邪希烈乃謝之出

唐德宗紀 蘇榜數為韓偓經營入相且遣親吏

告偓偓曰乃欲以此相汙出唐昭紀並通鑑 傳

記劉裕次山陽聞何無忌敗績卷甲兼行將濟江

而風急衆咸難之裕曰若有天命風當自息若其

天下助舟覆溺何足可怪即命登舟舟移而風止

出三十國春秋 居唐湜之中無緇磷之損出世

說中注 嵇康臨死顏色不變謂其兄曰以琴來

不兄曰已至康取調之為太平引曲成歎曰太平

引絕於今日矣出文上傳 夏侯玄嘗倚柱作書

靈靈其壯神色不變作書如故出世說

集喬縱之強不能反蹈海之志漂鹵之威不能降

西山之節 烈火流金不能焚景沈寒凝海不能

結風 迅風凌雨不謬晨禽之察勁陰殺節不凋

寒水之心並出陸士衡連珠 舉世非之力行而  
不惑者千百年一人而已出韓退之伯夷頌 金  
可鑄不可使為汚腐水可濁不可使為塵糞出元  
次山互入是真難滅 執去未湏悲時來何足喜  
出白侍郎互入達理 波濤喧衆口藜藿靜吾廬  
出劉長卿 飛語霜動明誠山立出李義山文  
常經磨涅不改堅白出杜牧之 伴吾為秋毫之  
杪吾亦自足不見其 小伴吾為泰山之阿吾亦  
無餘不見其多貧賤危機不妨心處橫潰不忘國  
奮身拔跡於豺狼之口道不汙而磨滅並出唐文  
粹互入不可損並 劒淬愈利玉燒不然 靈勃  
薦角比干獻骨合比憤烈在公為笏怒虎可唾笏  
不可挫峭華可拔笏不可折拄天下仄指日不蝕

並出孫可之文

高端使高麗遇風濤搖折舟人大恐公恬然讀書若在齋閣時出玉壺清話舉世皆寃而語言未嘗以自及以窮至死而妻子不見其悲忻

死生之間既已能通於性命憂患之至宜其不累於心曾並出歐公祭尹師魯文泰山覆於前而色不變麋鹿興於左而目不瞬出老泉文司馬溫公嘗曰並馳萬馬中能駐足者其王存乎出王存墓誌得志遂茂而不驕不得志瘁瘠而不辱群居不倚獨立不懼出東坡墨君堂記毀譽幾至於萬端夷險常持於一意出臨川集確然金石心不畏紋舳觸出蘇子由集金石不隨波出黃魯直詩千重浪裏平安過百尺竿頭穩下來

出陳從揚作上文穆眾相詩  
處士不生巫峽臺  
虛勞雲雨下陽臺出陳希夷詩見清璚

廣志卷之三百三十九

識大休語要

經公事不私議公庭不言婦女朝言不及

大馬並出曲礼下表具君子耻具一日二日而可爲也  
者君子弗爲也出檀下並記

子宓子賤爲單父宰齊人攻魯道由單父父老請放  
民皆使出獲博郭之麥可以益根且不資寇三請而  
宓子賤不聽曰今茲無麥明年可樹若使不耕者得  
穫是民樂有寇也單父一歲之麥於魯不加強喪之  
不加弱使民有自取之心其瘡必數世出家語互入知  
所輕重若曾子則可謂養志也出孟離娄下

季孫相魯六月掘長溝子路私飯之孔子覆其飯曰  
魯有民焉輒愛注一作受之何也出韓非子

史楚成得臣伐陳城頓還子文以爲之功使爲令尹叔伯曰子若國何對曰吾以靖國也夫有大功而無貴仕其人能靖者與有幾出僖二十三年

鄭簡公葬將爲葬除司墓之室有當道者毀之則朝而墮不毀則日中而墮子太叔請毀之曰無若諸侯之賓何子產曰諸侯之賓能來會吾喪豈憚日中無損於賓而民不害何故不爲遂弗毀日中而葬君子謂子產知礼礼無毀人以自成也出昭十二年晉韓宣子有環 其一在鄭商宣子謁諸鄭伯子產弗與曰非官府之守器也寡君弗之出昭十六年並左韓昭侯有弊袴命藏之侍者曰君亦不仁者矣不賜左右而藏之昭侯曰吾聞明主愛一嚔一笑嚔笑有爲朕今袴豈特嚔笑哉吾必待有功者出通鑑周紀

河公至咸陽諸將爭走金帛財物之府蕭何獨收秦圖書  
出西漢蕭何傳 上令周昌選趙壯士可令將者白見四人  
封各千戶以爲將左右諫上曰非汝所知陳希反趙代地背  
布有吾以羽檄徵天下兵未至有者今計唯獨邯鄲中兵  
耳吾何愛千戶不以慰子子弟出通驪 曹參去齊屬其  
後曰以獄市爲寄謹勿撓也出本傳 文帝問天下一歲  
決獄幾何錢穀一歲出入幾何陳平曰各有主者上曰主者  
爲誰乎曰陛下即問決獄責廷慰問錢穀責治粟內史出  
陳平傳並西漢 有敲千里馬者 帝曰鳶旗在前屬  
車在後吉行五十里師行三十里朕乘千里馬獨先安之  
於是還其馬出漢文紀 田叔接梁事來還至霸昌廐  
取火悉燒梁之獄辭空手來見帝曰梁事有之乎對曰  
死罪有之上曰其事安在田叔曰上毋以梁事爲問也



上曰何也曰今梁王不伏誅是漢法不行也伏法而太后食  
不甘味卧不安席此憂在陛下也出漢景紀互入區處得  
當 其治務在無爲引大體不拘文法出漢武紀蕭  
明有所不見聰有所不聞出西漢東方朔傳 憑奉世以  
未衛候使持節送大宛諸國遂以節諭告諸國王因發其  
兵南進繫莎車攻拔其城諸國悉平上甚悅義封奉世  
蕭望之以爲奉世奉使擅矯制違命發諸國兵雖有功  
効不可以爲後法即封奉世開後奉使者利以奉世  
爲比爭遂發兵要功百里之外爲國家生事於夷  
狄漸不可長奉世不宜受封 丙吉爲丞相上寬  
大好礼讓不親小事時人以爲之大體並出漢宣  
紀 用臣衡議罷井泉奉疇劄向曰家人尚不欲  
絕種嗣况於國之神寶時且井泉汾陰及雍五

時始立皆有神祇感應然後營之非苟而已也武  
宣之世奉此三神禮敬敷備神光尤著祖宗所立  
神祇舊位成未易動前始納貢禹之議後人相因  
多所動搖易大傳曰誣神者殃及三世恐其故不  
獨止禹等上意恨之又以久無繼嗣冬十月庚辰  
上曰太后令昭有司後井泉泰時汾陰后土如故  
及雍五時陳寶祠長安及郡國祠著明者皆復之  
出漢成紀 帝王之意不窺人閨門之私聽聞中  
書之言並通鑑 何武爲刺史二千石有罪應時  
舉奏其餘賢與不肖敬之如一出西漢本傳  
馬援爲隴西太守任吏以賊但總大體諸曹時白  
外事援輒曰此丞掾之任何定相煩若大姓侵小  
民黠吏不從令此乃太守事耳出本傳 設法禁

者非能盡塞天下之奸皆合衆人之所欲也大抵  
取便國利事多者則可矣出桓譚傳並東漢 宋  
均曰文吏習爲欺謾而廉吏清在一已無益百姓  
流亡盜賊爲害也出漢明紀 下邳周紆爲雒陽  
令下車光大姓主名吏數閭里豪強以對紆厲聲  
怒曰本問貴歲若馬竇等輩豈能知此賣菜傭乎  
於是部吏望風皆爭以激切爲是貴歲跼躅京師  
肅清出漢章紀互入示人以意不畏強禦並通鑑  
務舉大綱簡略苛細出後漢宣秉傳 昔文帝之  
於鄧通可謂至愛而猶展申屠嘉之志夫見任如  
此則何患於左右小臣哉出漢殤紀 諸葛亮嘗  
自校簿書主簿楊顓且入諫 爲治有體上下不  
可相欺古人稱生而論道謂之王公作而行之謂

之士大夫故兩言不問橫道死人而憂牛喘陳平不肯知錢穀之數云自有主者彼誠達於位分之體也明公爲治乃躬自校簿書流汗終日不亦勞乎互入不識大體揚阜召御府吏問後宮人數吏守舊令對曰禁塞不得宣露阜怒扶吏一百數之曰國家不與九卿爲塞反與小吏爲塞乎並出魏明紀 初丞相亮時有言公惜赦之亮荅曰治世以大德不以小惠故匡衡吳漢不願爲赦先帝亦言吾周旋陳元方鄭康成間每見啓告治亂之道多矣曾不語赦也 劉景升季玉父子歲歲赦宥何益於治 魏舒爲司馬昭參軍府朝碎務未嘗是非至於廢興大事衆人莫斷能者舒徐爲籌之多出衆議之表出魏紀 顧和謂王導曰明公作

輔寧使網漏吞舟何緣採聽風聞以察察爲政邪  
出東晉元紀 王彪之曰自中興以來郊祀往往  
有赦愚意帝謂非亦凶惡之人以爲郊必有赦將  
生心於徵幸矣出晉魏紀 謝安爲政務舉大綱  
不爲小察時人比安於王尊出晉武紀並通鑑  
桓玄嘗欲以謝安宅爲營謝琨曰召伯之仁猶惠  
及井棠文靖之德更不保五畝之宅耶玄聞慙而  
上出晉書謝琨傳 謝弘微曰親戚爭財爲鄙之  
甚今內人尚能無言豈可導之使爭乎出齊太祖  
魏原懷性寬簡不喜煩碎帝曰爲貴人當舉網維  
何必事事詳細譬如爲屋但外望高顯楹棟平正  
基壁完牢足矣斧斤不平剗削不密非屋之病也  
出梁高祖 徐晃爲吏部尚書嘗與文臣夜集客

虞曷求詹事五官勉正色曰今宵可止談風月不  
可及公事時人服其無私魏大旱散騎常侍刑  
鑒奏昔者明王重粟帛輕金玉何則粟帛養民而  
安國金玉無用而敗德故也先帝深鑒奢泰務崇  
節儉至以紙絹爲帳褰銅鐵爲轡勒府藏之金裁  
給而已不復買積以費國資逮景明之初承升平  
之業四境清晏遠邇同於是貢篚相繼商估交  
人諸所獻納倍多於常金玉常有餘國用常不足  
苟非爲之分限但恐歲計不通自今請非要領者  
一切不受魏主納之並出梁武紀屈突通往隴  
西檢覆群牧得隱匿馬二萬餘匹常大怒將斬太  
僕卿慕容悉達及諸監官千五百人通諫曰人命  
至重陛下奈何以畜產之故殺千餘人臣敢以死

請又頓首曰臣一身分死就陛下勾千餘人命帝  
感寤悉達等皆減死論出高紀互入轉移人心  
牛弘問劉炫曰周礼士多而府史少今令吏百倍  
於前減則不濟其故何也炫曰古人委任責成歲  
終考其殿最案不重校文不繫悉府史之任掌要  
目而已今之文簿恒慮復治若鍛鍊不密則萬里  
追證百年舊案故彥云老吏抱案死事繁政弊敗  
此之由省官不如省事官事不省而望後容其可  
得乎出隋煬紀秦王世民每破軍克城諸將佐  
爭取寶貨玄齡獨收采人物致之幕府出唐高紀  
益州大都督竇軌奏稱獠反請發兵討之上曰獠  
依阻山林時出鼠竊乃其常俗守苟能撫以恩信  
自然師服安可輕動干戈漁澤深民比之禽獸豈

爲民父母之意耶寬不許杜淹奏諸司文案恐  
有稽失謂令御史就司檢校上以問封德彝對曰  
設官分職各有所司果有愆違御史自應糾舉若  
徧歷諸司搜摭疵類大爲煩碎長樂公主將出  
降敕有司資送倍於永嘉長公主魏徵諫曰昔漢  
明帝欲封皇子曰我子豈得與先帝子比皆令半  
楚淮楊令資送公主倍於長主得無異於明帝之  
意乎知鄧世隆表請集上文章上曰朕之辭令有  
益於民者史皆書之足爲不朽若其無益集之何  
用梁武帝父子陳後主隋煬帝皆有文集行於世  
何救於亡爲人主患無德政文章何爲上謂房  
玄齡杜如晦曰公爲僕射當廣求賢人隨才授任  
比宰相之職比聞聽受詞訟日不暇給安能助朕



求賢乎因敕尚書細務屬左右丞唯大事應奏者  
乃關僕射尚書左丞遠宗勾司農木撞價貴於  
民間奏爲隱沒上召大理卿孫伏伽書司農罪對  
曰只爲官撞貴所以私撞賤向使官撞賤私撞無  
由賤矣但見司農識大體不知其過張昌齡王  
公謹皆善屬文名振京師考公員外郎王師旦知  
貢舉黜之舉朝莫曉其故及奏第上怪無二人名  
結之師旦對曰二人雖有辭華然其體輕薄終不  
成令器若置之高第恐後進校之並出唐太宗  
列晚上疏論禮部取士專用文章爲甲乙故天下  
之士皆捨德行而趨文藝有朝登甲科而夕陷刑  
辟者雖日誦萬言何關理體文步未足化人況  
盡心卉木之間拙筆烟霞之際以斯成俗豈非大

謬出唐高祖 載至德爲右僕射劉仁軌爲左僕射更日受牒新仁軌常以美言許之至德必據理難詰未嘗與奪實有寃結者密爲奏辨由是時舉皆歸仁軌或問其故至德曰成福者人主之柄人臣安得盜取之 選 以智略爲本勇力爲末今朝廷用人類取將門子弟及死事之家彼皆庸人豈是當閭外之任李左車陳湯呂蒙孟觀皆出賁賤而立殊功未聞其家代爲將也 少府監裴匪舒善營利奏賣苑中馬糞歲得錢二十萬緡上以問劉仁軌對曰利則厚矣恐後代稱唐家賣馬糞非嘉名也並出唐高宗 尚方監裴匪躬檢校京苑中蔬果以收其利蘇良嗣曰昔公儀休相魯能拔葵去織未聞萬乘之主鬻蔬果也乃止狄仁傑

同平章事太后謂仁傑曰卿在汝南甚有善政卿  
欲知讚卿者名乎仁傑謝曰陛下以臣爲過臣請  
改之知臣無過臣之幸也不願知讚者名 禁天  
下屠殺右拾遺張得生男三日私殺羊會同僚捕  
闕杜南懷一餞上表告之明日太后對仗謂德曰  
聞卿生男甚喜德拜謝太后曰何從得肉德叩頭  
伏罪太后曰朕禁屠宰吉凶不豫然卿自今忍客  
亦雖擇人出爾表示之爾大慙舉朝欲唾其面  
劉知幾表陳四事其一以赦令不息近則一年再  
降遠則每歲無遺元日之朝指期天澤重陽之節  
佇降皇恩如其時度成果釋免或有名垂結正罪  
將斷決竊行貨賄方便規求故致稽違畢雷寬宥  
爲善者不預恩光作惡者獨承微悻古語曰小人

之幸君子之不幸斯之謂也 太后問鸞臺侍郎  
同平章事陸元方以外事對田臣備位宰相若大  
事不敢不以聞人問細事不是煩聖聽由是忤皆  
並出唐五后 朱敬則爲相以用人爲先自餘細  
務不視之 宗楚客令袁守一奏言則天昔在三  
陽宮不豫狄仁傑奏陛下監國元忠密奏以爲不  
可上謂楊肅思等曰以朕思之人臣事主必在一  
心豈有主上小疾遽請太子知事此乃仁傑欲樹  
私恩未見元忠有失時一欲借前事以陷元忠其  
可乎並出唐中宗 楊孚彈糾不避推遺避之上  
曰鷹狡捕兔須急救之不尔必反爲所噬御史繩  
奸慝亦然苟非人主保衛之則亦爲奸慝所噬矣  
上命宋璟蘇頌爲諸皇子制名及國邑之號又令

別制一家名及佳號進之環等上言七子均養著  
於國風今臣等所制名三十餘輒混同以進以彰  
陛下覆燾無偏之德上甚善之山東大蝗盧懷  
慎以爲殺蝗太多恐傷和氣崇曰昔楚莊吞蝗而  
愈疾孫叔敖蛇而致福奈何不忍於蝗而忍人之  
餓死乎若使殺蝗有禍臣請當之皇后妹夫尚  
衣奉御長孫昕以細故與御史大夫李傑不協昕  
與其妹夫楊仙玉於里巷伺傑而歐之傑上表上  
大怒命於朝堂杖殺以謝百僚以書愈傑互入徇  
公忘私上欲加牛仙客尚書張九齡曰不可李  
林甫言於上曰仙客宰相才也何有於尚書九齡  
書生不達大體上悅明日上曰卿嫌仙客寒微如  
卿者何閭閻九齡曰臣願海狐賤不如仙客生於

中華然臣出於臺閣典司誥命有年矣仙客遙隔  
小吏目不知書若大任之恐不恆衆望 前廣州  
都督裴伯先下獄上與宰相議其罪張嘉謨扶之  
張說曰臣聞刑不上大夫爲其近於君且所以養  
廉耻也故士可殺不可辱臣竊述北邊開拔姜皎  
於朝堂皎官登三品亦有微功有罪應死則死應  
流則流豈可輕加笞辱以皂隸待之乎事往不可  
復追由先據狀當流豈可復蹈前失上深然之並  
出唐玄宗 上嘗從容與李泌語及李林甫欲軟  
諸將克長安發其冢發骨揚灰泌曰陛下方定天  
下奈何讎死者彼枯骨何知徒示聖德之不弘耳  
上人謂李泌曰良娣祖母昭成太后之妹也上皇  
所念朕欲使正位中宮以慰上皇心對曰宜待上

皇之命不過晚歲月之間耳上從之 王去榮以  
私怨殺本縣令當死上以其善用礮免死中書舍  
人賈至不即行下上表以爲去榮無狀殺本縣之  
君若以礮石一能則免殊死今諸軍技藝絕倫者  
其徒實繁必恃其能所在犯上復何以止今惜一  
去榮之才而不殺必殺十如去榮之才者不亦其  
傷益多乎並出唐肅宗 裴諝入奏事上問推酤  
之利歲入幾何諝久之不對上復問之對曰臣自  
河東來所過見菽粟未種農民愁怨臣以爲陛下  
召臣必先問人之疾苦乃責以登利臣是以未敢  
對 京兆尹黎幹奏秋霖損稼霪淫春幹不實渭  
南令劉操阿附度支稱縣境苗不損上曰霖雨溥  
博豈得渭南獨無命御史視之損三千餘頃代宗

嘆息久之曰縣令字人之官不損猶應言損乃一  
仁如是乎 不痴不聾不爲家翁兒女問房之言  
何足聽也 朱此獻猶鼠同乳不相害者以爲瑞  
常袞帥百官稱賀中書舍人崔右甫獨不賀曰物  
反常爲妖猶捕鼠乃其戕也今同乳妖也何以賀  
爲並出唐代宗 代宗將發引上送之見輶轎車  
不當馳道稍措耒丁之間問其故有司對曰陛下  
本命在午不敢衝也上哭曰安有枉靈駕而謀身  
利乎命改轅直午而行出唐德宗 天不以地有  
惡木而廢發生天子不以時有小人而廢聽納  
以一人之聰覽而欲窮宇宙之變焦以一人之防  
慮而欲勝億兆之奸邪故智彌精失道彌遠項籍  
納秦卒二十萬慮其懷詐復叛一舉而盡阮之其



防虞亦已甚矣漢高竒達大度天下之士至者納  
用不疑其於備虞可謂疏矣然而項氏以滅劉氏  
以昌蓄疑之與推誠其効固不同也秦皇嚴刑確  
猜而剗剗奮其陰計光武寬容博厚而馬援輸其  
欲誠豈不以虛懷待人人欲思附任數附物物終  
不親情思附則威而悅之雖寇讎化爲心膂矣意  
不親則懼而阻之雖骨肉結爲仇讐矣智出虞  
物有輕恃人臣之心思周萬機有獨馭區寓之意  
謀吞衆略有過慎之防明照羣情有先事之察嚴  
束百辟有任刑政之類咸制曰方有以力勝殘之  
志劉從一詣蕭嶺曰歟緒宣旨令從一與公議朝  
來所言事即奏行之勿令李盧知復曰李盧不堪  
爲相乃罷之旣在相位安得不與之同議 李泌

曰宰相之職不可分也非如給事則有吏兵過合  
人則有六押至於宰相天下之事咸共平章若各  
有所主是乃有司非宰相也並出通鑑 裴均為  
相奏天下留州送使物均一切用省估 宰相議  
誅李錡大功以上親兵部郎中蔣 曰錡大功親  
皆淮安靖王之後也淮安有佐命之功陪陵享廟  
豈可以末孫為惡而累之乎又欲誅其兄弟 白  
錡兄弟故都統國貞之子也國貞死王事豈可使  
之不祀乎宰相以為然盧坦上言李錡父子受誅  
罪已塞矣漢誅霍禹不罪霍光先朝誅房遺愛不  
及房元齡康誥曰父子兄弟罪不相及 李絳言  
魏博五十於年不露皇化一日舉六州之地來歸  
剗河朔之腹心傾叛亂之巢穴不有重賞過其所

望則無以慰士卒之心使四鄰勸慕請發內庫錢  
百五十萬緡以賜之左右宦官以為所與太多後  
有此比將何以給之上以詔絳絳曰田吳不貪專  
地之利不顧四臨之患歸命聖朝陛下奈何愛小  
費而遺大計不以收一道人心錢用盡更來機事  
一失不可復追借使國家發五十萬兵以取期年  
而克之期費豈止百五十萬緡而已乎並出通鑑  
唐憲宗 李愬既執送吳元濟裴度建彰義軍節  
擁降卒萬餘人以入焉李愬具審覈候度馬首度  
將避之愬曰此方不識上下等威之分久矣請公  
因以示之度以宰相禮受愬謁衆督觀焉明日愬  
以師還文成柁度乃視節度使觀察及刺史事參  
人大悅 高郢掌制詔 無留滯或勸盡如前入

傳制禁者卷曰王言不可藏私家出本傳並唐書

上謂宰相薦人勿問親疏朕聞賓客直為相未

嘗用親故果賢避嫌而棄之是亦不為至公也上

對柳公權等於便殿上舉衫袖示之曰此衣已三

澣矣衆皆美上之儉德公權獨言無上問其故對

曰陛下貴為天子富有四海當進賢退不肅納諫

諍明賞罰乃可以致雍熙服澣濯之衣乃末節矣

並出通鑑唐文宗 李師道上私錢六百萬為魏

證孫贖故弟白居易言陛下宜以賢者子孫贖而

賜之師道人臣不宜掠美出唐書百居易傳 樂

工羅善琵琶恃恩暴橫以睚眦殺人繫京兆獄諸

樂工欲為之請曰羅程負陛下萬死然臣等惜其

天下絕藝不復得奉宴遊上曰汝曹所惜者羅程

藝朕所惜者高祖太宗法竟杖殺之出通鑑唐宣  
宗李德裕節制西川吐蕃以維州降牛僧孺曰吐  
蕃失一維州未足損其勢得百維州何所用之徒  
使棄信有害無利此匹夫所不為詔使德裕反降  
者出唐書別見私意 衡王友諒貴重李振等見  
皆拜之李愚獨長揖帝聞而讓之曰衡王於朕兄  
也朕猶拜之卿長揖可乎對曰陛下以家人禮見  
衡王拜之宜也振等陛下家臣臣於王無私敬不  
敢妄有所屈出後梁均王 遇赦則曲者幸免直  
者銜冤冤氣升聞乃所以致災非所以弭災也出  
五代晉高祖 或言營田鬻之可得錢十萬緡以  
資國帝曰利在於民猶在國也朕用此錢何為出  
後周太祖 帝政事無大小皆親決百官受成於

上而已河南推官高錡上書諫以為四海之廣萬  
機之衆雖堯舜不能獨治心擇人而任之今陛下  
以一身親之天下不謂陛下聰明睿智足以兼下  
官之任皆言陛下褊迫疑忌舉不信群臣也不若  
選能人知公正者以為宰相能受民聽訟者以為  
守令能豐財足食者使掌金穀能原情守法者使  
掌刑獄陛下何必降君尊而代人戕無乃失為政  
之本乎出五代周世宗並通鑑

集天子不問有無諸侯言多少百乘之家不高聚  
歛之臣 昔人所以掩絕纓而飲盜馬者豈必忘  
其情愛蓋知為君之體然也並出陸宣公文 善  
醫者不視人之瘠肥察其脉之病否而已矣善計  
天下者不視天下之安危察其紀綱而已矣是故

四肢雖無故不足恃也脉而已矣四海雖無事不足矜也紀綱而已矣以志為養分何有牛羊

周公作詩不諱孔子不偏諱二名春秋不譏不諱嫌名康王釗之孫實為昭王魯參之父名哲魯子不諱昔周之時有騏期漢之時有杜度此其子亦如何諱將諱其兼遂諱其姓乎將不諱其嫌者乎漢諱武帝名徹為通不聞又諱車轍之轍為某字也諱呂后名雅為野鷄不聞又諱治天下之治為某字也今上章及詔不聞諱許勢秉機也唯宦官宮妾乃不敢言諭及機以為觸犯士君子立言行事宜何所法守也凡事父母得如魯參可以為孝矣作人得如周公孔子亦可以止矣今世之士不務行曾參周公孔子之行而諱親之名則務勝於

曾參周公孔子亦見其感也夫周公孔子曾參卒  
不可勝勝周公孔子曾參乃此於宦官則是宦官  
宮妾之孝於其親賢於周公孔子曾參者耶並出  
韓文

宋 仁宗初立英宗為皇子令中書召學士草詔  
學士王珪當直召至中書諭之王曰此大事也必  
須面奉聖旨於是求對明面稟得旨乃 草詔羣  
公皆以王真得學士體出歐公集 尹師魯凡事  
有小而可務者必惻然不忍發見顏貌及臨大節  
斬大事則必如金石雖罪鑊前列不可變也出歐  
公撰墓表互入勇大怯小 朝議在官年七十而  
不致仕有司以時按籍舉行胡宿以為養廉恥厚  
風俗亦有漸而欲一切以吏議從事殆非所以優



老勸公之意當少緩其事使人得自言而全其美  
節出歐公撰胡宿墓誌 陳執中為相范蜀公嘗  
論其無學術非宰相器及執中嬖妾笞殺婢御史  
郊奏欲逐去之公言今陰陽不和財匱民困盜賊  
滋熾獄奸亮介執中當任其咎閉門 私非所以  
責宰相識者韙之出范鎮墓誌 歐陽脩余靖蔡  
襄王素欲引石介范文正公曰介為諫官必以難  
行之事責人君以必行少拂其意則引裾折檻叩  
頭流血無所不為主上無失德政事自修安用如  
此諫官諸公伏其言出東軒筆錄 韓魏公為相  
日魯公為亞相趙康靖與歐陽公為參政凡事該  
政令則田問集賢該典故則曰問東廳該文學則  
曰問西廳至於大事則自決之人以為得宰相體

塵史有人欲為范希文買綠野堂希文不肯曰在唐如晉公者是可尊也一旦取其物而有之如何得安寧使耕壤及它有力者致之已則不可取出言行錄 日月經天大可以被四海而小或不能入一屋之下彼固無用此區區之小明也出老泉

昔謝安破符堅 至安與客為碁不輟曰小兒輩已遂破賊安亦非矯情蓋萬目觀望事體應尔出東坡論擒獲兇章稱賀太速劄子 寧容綱自漏吞舟誰能烹鮮作奇碎出後山 周世宗嘗作詩以示學士竇儼曰此可宣布否儼曰詩傳門學王者若屬精叩課有妨機務苟切磋失至又不盡善世宗解其意遂不作詩出楊億談苑 劉綽天聖中為京西漕分遣屬官盤量諸郡在庾之粮凡

收十餘萬石歸朝上殿具劄子乞付三司收繫時  
章獻太后垂簾問曰已盤量者條貫許再盤量否  
曰向來盤量官多徇顏情不肯盡收入曆又曰卿  
識王魯張知白呂失簡魯宗道否此四人者皆不  
因盤量收出斛斗致身于此刘大新 人曰當是  
時殿上壁鏤可入我亦入矣

### 鎮定大事

### 要語

子魯燒積澤天北風火南向恐燒國稟公自將衆  
趨救火人盡逐獸而火不救及仲尼下令曰不救  
火而逐獸者此入禁之罪令下未徧火遂救矣出  
韓非子

史呂太后立諸呂為王陳平為聽之及太后崩平

與太尉劾合謀謀諸呂出火陳平本傳 不易太子者留侯招此四入之力也出同上留侯本傳 上欲廢太子呂后恐良曰上有所不能致者四人令太子為書固請太子迎此四人至上置酒太子侍四人者從太子上怪問四人前對曰聞太子仁孝恭敬愛士天下莫不延頸願為太子死者故臣等來上曰煩公幸卒調護太子上召戚姬曰我欲易之四人為之輔羽翼已成難動搖矣出西漢張良傳 上居南宮見 諸將偶語以問張良對曰陛下與此屬共取天下而所封皆故人所誅皆仇怨今恐以過失及誅故相聚謀反耳上曰柰何良曰取上素所不快計群臣所共知最甚者一人先封以示群 上封雍齒群臣皆喜曰雍齒且侯吾

屬忘患耳出初雍齒不欲屬沛公沛公怨齒互見  
轉移人心 田延年前離席按劍曰先帝屬將軍  
以幼孤寄將軍以天下以將軍忠賢能安劉氏也  
今群臣罪沸社稷將傾且漢之傳謚帝為孝者以  
長有天下令宗廟血食也如漢家絕祀將軍雖死  
何面目見先帝於地下乎今日之議不得旋踵群  
臣後應者請劔斬之出通鑑漢宣帝紀 閏內大  
雨四十餘日京師民相驚言大水至百姓奔走大  
將軍鳳以為太后與上及後宮可御船令吏民上  
長安城以避水王商乃獨曰何因當有大水暴至  
此必訛言也有頃長安中稍定問之果訛言鳳大  
慙 恨失言出同上漢成帝紀互見失言 卧赤  
子天下之上而安朝委裘而天下不亂出西漢賈

誼傳 袁新欲為易於反掌安於泰山出牧乘傳

太子幸酒樂燕上樂上不以為能有意欲以山  
陽為嗣上間獨寢侍史丹直入卧内頓首伏青蒲  
上涕泣言曰道路流言以為太子有勳搖之議臣  
願先賜死以示群臣太子由是遂定為嗣出通鑑  
漢元帝紀灼曰幸酒好酒也樂燕沈燕也師古曰  
上樂又音五孝切 王郎起光武馳至下曲陽傳  
聞王郎兵在後從者恐及至滹沱何還白水河流  
漸無船不可渡官屬大懼光武令王霸往視之霸  
恐驚衆欲且前阻水還即詭曰冰堅可渡官屬皆  
喜光武笑曰候吏果妄語也遂前比至河河水亦  
合乃令霸護渡未畢數騎而冰解光武謂霸曰安  
吾衆得濟免者卿之力也出東漢本紀誅王郎牧

文書待吏人典郎交關請殺者數千章先武不省  
會諸將軍燒之令反側子自安出同上初陸遜為  
大都督諸將或討逆時舊將或公室貴戚各自矜  
恃不相聽從遜按劍曰諸軍並荷國恩當相輯睦  
共剪此虜上報所受而不相順何也僕雖書生受  
命生上國家所以屈諸君使相承望者以僕尺寸  
可稱能忍辱負重故也各任其事豈復得辭軍令  
有常不可犯也及至破備計多出遜諸將乃服出  
通三國魏文帝紀 蔣琬為尚書特新喪元帥琬  
出類拔萃處群僚之右既無戚容又無喜色神守  
舉止有如平日由是衆望漸服出同上魏明帝紀  
亘溫入赴山陵止新亭大陳兵衛將移晉室呼  
謝安及生垣之欲於坐害之安從容就席坐定謝

曰安聞諸侯有道守在四隣明公何須壁後置人  
耶溫笑曰正自不能不通遂笑語移日符堅

百萬之衆已瞰吳江亘溫九五之心將移晉羸衣  
冠旁慮遠爾崩心從容而杜姦謀宴衍而清群冠  
並出晉書謝安本傳慕容根言於燕王晞曰太  
宰太傅將謀不軌臣請帥禁兵以誅之可足渾氏  
將從之晞曰二公國之親賢先帝選之託以孤妾  
必不肯爾安知非太師欲為亂也乃止出通鑑晉  
海西公 燕新遭大喪內外恟懼太宰恪舉止如  
常人不見其有憂色每出一人步從或說以宜自  
嚴恪曰人情方懼當安定以鎮之奈何復自驚  
擾衆將何仰申是人心稍定出同上晉紀 帝崩  
辟臣未敢立嗣或曰當須大司馬處分王彪之曰



天子崩太子代立大司馬何容得異出同上觀有  
新徒勅勒千餘家苦於將吏期以草生牛馬肥亡  
歸漠北劉潔安原奉請徙之河西魏王曰比曹習  
俗放敗日久譬如園中之鹿急則奔突緩之自定  
吾臣處自有道不煩徙也出通鑑宋太祖後周  
文帝崩孝閔帝尚幼中山公護雖受顧命而名位  
素下群公各圖執政護深憂之密訪於謹謹曰風  
蒙承相殊眷今日必以死爭之若對衆定策公必  
得讓明日群公會議謹曰昔帝室傾危丞相志  
存匡救今上尺降禍奄棄百僚嗣子雖幼而中山  
公親則猶子兼受顧託軍國大事理須歸之嗣色  
抗厲衆皆悚動護曰此是家事護何敢有辭謹既  
周文等夷護每申禮敬至是謹乃言曰公若統理

軍國謹等便有所依遂再拜群公迫於謹亦拜衆  
議始定出 史于謹本傳 或說上曰突厥所以  
屢寇關中者子女玉帛皆在長安故也若徙長安  
而不都則故寇自息矣上以為然遣中書侍郎字  
文士及踰南山至樊鄧可行居之地將徙都中太  
子建成齊王元吉裴寂皆贊成其策秦王世民諫  
曰戎狄為患自古有之陛下以聖武龍興光宅中  
夏精兵百萬所征無敵奈何以胡寇擾遼遠遷都  
以避之貽四海之羞為百世之笑乎乃止出通鑑  
唐高祖紀 馮盎本北燕人以軍功進總管或告  
盎殺太宗召發兵討之魏證諫曰當懷之以德帝  
乃遣韋叔諧諭盎盎遣子智戴入侍帝曰證一言  
賢如十萬衆出唐書 上謂侍臣曰術者言五日

中當有急兵入宮卿等為朕備之張說曰此必謠  
人欲離間東宮願陛下使太子監國則流言自息  
矣 民間訛言上採擇女子以充掖庭上聞之令  
有司具牛車於崇明門自選後宮無用者載還其  
家敕曰燕寢之內尚令罷遣閭閻之間足可知悉  
並出唐玄宗 郭晞在邠州縱士卒為暴節度使  
白孝德患之段秀實自請補都虞候既署一月晞  
士卒十七人入市取酒以刀刺酒翁壞釀器秀實  
列卒取十七人首注漿上植市門晞一營大譟盡  
甲孝德恐召秀實曰柰何秀實曰無傷也請往解  
之孝德使數十人從行秀實辭盡去請老嫗者一  
人持馬至晞門下甲者出秀實笑且入曰殺一老  
卒何甲也吾戴吾頭來矣甲者愕因諭曰常侍負

若屬耶副元帥負若屬耶奈何欲以亂敗郭氏晞  
出秀實讓之曰副元帥無辜天地當念始終今常  
侍恣卒為暴行且致亂亂則罪及副元帥亂由常  
侍出然則郭氏功名其存者幾何言未畢晞再拜  
曰公幸教晞以道恩甚大敢不從命顧叱左右皆  
解甲散還火伍中敢譁者死 回紇吐蕃合兵圍  
涇陽郭子儀曰今衆寡不敵難以力勝昔與回紇  
契約甚厚不若挺身往說之可不戰而下也遂與  
數騎開門而出使人傳呼曰令公來回紇大驚其  
大帥藥葛羅執弓注矢於陣前子儀免冒釋甲投  
鎗而進回紇諸酋長相顧曰是也皆下馬羅拜藥  
葛羅曰懷恩欺我言大可汗已晏駕令公亦捐館  
中國無主我是以敢與之來今知天可汗在上都

令公復總兵於此懷恩又為天所殺我曹豈肯與  
公戰乎 涇州至重之謀作亂期以辛酉旦驚嚴  
而發前夕有告之者段秀實陽召掌漏者怒之以  
其失節令每更來白輒延之數刻遂四更而曙童  
之不果發 容管經略使王翊為河中少尹知府  
事部將凌正暴橫翊抑之焉其徒乘夜作亂翊知  
之故縮漏水數刻以差其期賊驚潰走並出通鑑  
唐代宗 裴度平章中書失印度自如左右白復  
於故處得印度不應或問其故曰此必吏人盜  
之以印書券耳急之則投 水火緩之則復還故  
處人服其識量出通鑑 訖言有寇士民驚譟縱  
橫走塵埃四起兩省諸司官聞之皆奔走禍於未  
形救危於將亡出同上王元之盡象贊 張希崔

守成都兵火之餘人懷反側一日合軍祿大閱始  
出衆遂蒿呼者三垂崖亦下為東北望而三呼復  
攬轡行衆不敢譙出王清臣塵史

轉移人心

附處事下

### 要語

子趙文王喜劍太子悝患之募左右能悅王之意  
止劍左右曰在子當能莊子見王曰有天子之劍  
有諸侯之劍天子之劍一用匡諸侯天下服諸侯  
之劍如雷霆之震四封之內無不賓服廢人之劍  
無異於閨雞一旦命已絕矣無所用於國事今太  
王有天子之位而好廢人之劍竊為大王薄之於  
是文王不出宮三月劍士皆服斃其處也出莊子  
說劍 魯哀公欲西益宅史爭之以為西益宅不

祥哀公作色而怒左右數諫不聽乃以問其傅宰折睢曰吾欲西益宅而史以為不祥子以為何如宰折睢曰天下有三不祥西益宅不與焉哀公大悅而喜頃復問曰何謂三不祥對曰不行仁義一不祥也皆慾無止二不祥也不聽強諫三不祥也哀公默然深念憤然自反遂不取西益宅出淮南子人間訓互入善於言語

史楚人伐蕭師人多寒王巡三軍拊而勉之三軍之士皆如挾纊出左宣十二年互入與士卒一體宋平公築臺妨於農收築者謳子罕聞之親執朴以行築者曰吾儕小人皆有閭廬以辟燥經寒暑今君為一臺而不連成何以為役謳者乃止出左襄十七年 晉平公射鷄不死使豎襄搏之失

公怒拘將殺之叔向曰必速殺之無令遠聞君祖  
愆于顏乃趣舍之出國語楚優孟嘗以談笑諷諫  
楚莊王有愛馬死使群臣喪之欲以棺槨大夫禮  
葬之左右爭之不可孟入將殿門仰天大哭曰楚  
國堂堂何求不得而以大夫禮葬之薄請以人君  
禮葬之王曰何如曰臣請以雕玉為棺文梓為槨  
梗楓豫章為題漆發甲卒為穿壙老弱負土齊趙  
陪位於前韓魏翼於後廟食太牢奉以萬戶之邑  
諸侯聞之皆知大王賤人而貴馬王曰寡人之過  
一至此乎乃使以馬屬太官令無令天下久聞也  
出史滑稽互入反鋒而川及滑稽 趙王新立秦  
急攻趙趙求救於齊齊曰必以長安君為質兵乃  
出太后不肯大臣彊諫后曰復言者老婦必唾其



面左師觸龍見后盛而湏之左師曰老臣賤息舒  
棋竊愛之願及未填溝壑而託之太后曰丈夫亦  
愛少子乎曰甚於婦人老臣竊以為父母愛之則  
為之計深遠今媼尊長安君之位而不及今有功  
於國一旦山陵崩長安君何以自託於趙老臣以  
姬為長安君之計短也太后曰諾恣君之所使之  
於是質於齊出史趙世家互入善於言語 茅焦  
曰陛下有狂悖之行不自知耶車裂假父囊撲二  
弟遷母於雍桀紂之行不至於是矣今天下聞之  
盡瓦解無嚮秦者王下殿手自執之曰先生趨起  
就衣今願受事王自駕虛左方徃迎太后歸於咸  
陽復為母子如初出通鑑秦紀 上居南宮見諸  
將偶語以問張良良曰陛下與此屬共取天下而

所封皆故人所誅皆仇怨今恐以過失及誅故相  
聚謀反耳上曰柰何良曰取上素不快計群臣所  
共知最甚者一人先封以示群臣上封雍齒群臣  
皆喜曰雍齒且侯吾屬無患矣注初雍齒不欲屬  
沛公沛公怨齒互入鎮重大事西漢良因事納忠  
以變移帝意使上無阿私之失而下無猜懼之謀  
國家無虞慮及後世若良者可謂善諫矣出通鑑  
漢高紀 冒頓為書褻嫪嫪曰臣願得十萬衆  
橫行匈奴季布曰噲可斬也前匈奴圍高帝於平  
城漢兵三十二萬噲為上將軍不能解圍今歌吟  
之聲未絕傷夷者甫起而噲欲動搖天下妄言以  
十萬衆橫行是面諛謾也且夷狄譬如禽獸得其  
善言不足喜惡言不足怒高后曰善出通鑑漢惠

馮唐曰陛下雖得廉頗李牧弗能用也上怒召  
讓唐曰公柰何衆辱我獨無間處乎唐曰鄙人不  
知忌諱魏尚坐上功首虜差六級陛下削其爵而  
罰之說令唐持節赦魏尚復以為雲中守出通鑑  
漢文紀 縣官無錢從民贖馬或匿馬馬不具上  
怒欲斬長安令有內史汲黯曰長安令無罪獨斬  
臣黯民乃肯上馬上黯然出通鑑漢武紀 上從  
容謂虎賁中郎將馬援曰吾甚恨前殺守相多也  
對曰死得其罪何多之有但死者既往不可復生  
也上大笑出通鑑漢光武紀 嶺南舊獻生龍眼  
荔枝十里一置五里一候晝夜傳送唐羌上書曰  
臣聞上不以滋味為德下不以貢膳為功伏見交  
趾七郡獻生龍眼荔枝南州土地炎熱惡虫猛獸

不絕於路至於觸犯死七之害死者不可復生來  
者猶可救也此二物非殿未必延年益壽詔敕大  
官勿復受獻出通鑑漢和紀 復斬大臣行三年  
喪陳忠上疏臣願陛下登高北望以甘陵之思擬  
度 子之心則海內咸得其所通鑑東漢瑒帝紀  
河間王政傲很不奉法順帝以侍御史沈景有  
強能稱故擢為河間相景到國謁王王不正服箕  
踞殿上侍郎贊拜景侍不為禮問王所在虎賁曰  
是非王耶景曰王不正服常人何別今相謁王豈  
謂無禮者耶王慙而更服出通鑑河間本傳 時  
文帝為五官將臨淄侯植才名方盛有奪宗之議  
太祖嘗屏除左右問賁詡詡默然不對太祖曰與  
卿言而不荅何也詡曰屬適有思故不即對耳太

祖曰何思曰思袁本初劉景升父子也太祖大笑  
於是太子遂定出魏志 關羽聞黃忠位與己並  
怒曰大丈夫終不與老兵同列不肯受拜費詩謂  
羽曰夫立王業者所用非一蕭曹與高祖少小親  
舊而陳韓亡命後至論其班列韓最居上未聞蕭  
曹以此為怨且王與君侯譬猶一體同休等戚禍  
福共之君侯不受拜如是便還但相為惜此舉動  
恐有後悔耳羽大感悟遽即受拜出通鑑漢獻紀  
帝謂侍中蘇則曰前西域通使燉煌徑寸大珠  
可復求市益得不則對曰若陛下化洽中國德流  
沙漠即不求自至求而得之不足貴也帝然然出  
通鑑三國魏文紀魏明帝嘗從文帝獵見子母鹿  
文帝射殺鹿母使帝射鹿子帝不從曰陛下既殺

其母臣不忍復射殺其子因涕泣帝以此建樹之意定出魏志帝好土功陳群曰人之所欲莫不有辭况乃天王莫之敢違前欲壞武庫謂不可不壞也後欲置之謂不可不置也若必作之固非臣下辭言所屈若少留神卓然回意亦非臣下之所及也帝為之少有減省 帝嘗着帽披縹綾半袖楊阜問帝曰此於禮何法服也帝默然不荅自是不法服不以見阜並出通鑑魏明紀 過江人士每至暇日出新亭飲晏周顗中坐而歎曰風景不殊舉目有江河之異皆相視流泣惟王導愀然变色曰當共戮力王室尅復神州何至作楚囚相對泣耶衆收淚而謝之出晉書王導傳劉疇避亂塢壁賈胡百數欲害之疇無懼色援笳吹之為出塞入

塞之聲以動其游客之思於是群胡泣去出晉書  
互入處事閒暇劉琨在晉陽為胡騎所圍窘迫  
無計琨乃乘月登樓清甫賊聞之皆悽然長嘆中  
夜奏胡笳賊流涕歎歎向曉復吹之賊並棄圍而  
走出晉書本傳互入處事閒暇坐以制勝人心易  
惑三類秦王堅與群臣飲酒以秘監朱彤為正  
命人人以極醉為限秘書侍郎趙整作酒德之歌  
曰地列酒泉天垂酒池杜康妙識儀狄先知桀喪  
夏邦紂亡殷國由此言之前免後則堅大悅命整  
書之以為酒戒自是晏群臣禮飲而已出通鑑晉  
武紀桓玄得志常欲以謝安宅為營謝琨曰召  
伯之仁猶惠及甘棠文靜之德更不保五畝宅耶  
玄聞慙而止出晉書互入處事閒暇魏崔楷為殷

州刺史或勸措留家車騎之官措曰吾聞食人之  
祿者憂人之憂若吾獨往則將士誰肯固志哉遂  
舉家之官葛榮逼州城措撫勉將士以拒之莫不  
爭先皆曰崔公尚不惜百口吾屬何愛一身連戰  
不息死者相枕終無叛志出通鑑梁高祖 蘇瓊  
為清河太守有兄弟爭田積年不決各相援據乃  
至百人瓊召而諭之曰天下難得者兄弟易求者  
田地假令得田地失兄弟心如何因下淚兄弟叩  
頭乞外更思分異十年遂還同住出北史 屈突  
通往陝西檢覈群牧得隱匿馬二萬疋帝大怒將  
斬太僕卿慕容悉達及諸監官千五百人通諫曰  
人命至重陛下柰何以畜產之故殺千有餘人臣  
敢以死請又頓首曰臣一身分死就陛下旬千餘



人命帝感悟悉達等皆減死出通鑑隋高祖文

德皇后既葬帝即苑中作層觀以望昭陵引徵同

升熟視曰臣昏眊不能見帝指示之徵曰臣以陞

下望獻陵若昭陵臣固見之帝泣為毀觀出新唐

書紀微傳上出畋遇雨問諫議大夫昌樂谷那律曰油

衣若為則不漏對曰以瓦為之必不漏上悅為之

罷獵出通鑑唐高祖入敏於應對權善才范懷

義誤斫昭陵栢罪當除名上特命殺之狄仁傑奏

二人罪不當死上曰善才等斫陵栢我不殺則為

不孝仁傑固執不已上作色令出仁傑曰犯顏直

諫自古以為難臣以為遇桀紂則難遇堯舜則易

張釋之有言設有盜長陵一抔土陛下何以處之

今以一抔栢殺二將軍後代謂陛下為何如矣臣

不敢奉詔者恐陷陛下於不道且羞見釋之於地  
下也上怒稍解二人除名流嶺南 上造鏡殿

成上與劉仁軌觀之仁軌驚趨下殿上問其故對  
曰天無二日土無二王適視四壁有數天子不祥  
孰甚焉上遽令則去 上遣宦者緣江徙異竹欲  
種苑中宦者科舟載竹所在縱暴過荊州長史蘇  
良嗣因之上疏切諫手詔慰諭良嗣令棄竹江中  
出通鑑唐高宗 太后謂侍臣曰自興周俊臣來  
死不復有反者姚元崇曰自垂拱以來坐謀反死  
者率皆興等羅織自以為功陛下使近臣問之近  
臣亦不自保何敢動挫所問者若有翻覆懼遭慘  
毒不若速死賴天啓聖心興等伏誅臣以百口為  
陛下保自今內外之臣無復反者若微有實扶臣

請受知而不告之罪太后悅曰曷時宰相皆順成  
其事陷朕為淫刑之主聞卿所言深合朕心 李  
昭德言於太后曰天皇陛下之夫皇嗣陛下之子  
陛下身有天下當傳之子孫為萬代業豈得以姪  
為嗣乎自古未聞姪為天子而為姑立廟者也

樂思晦男未十歲没入司農上變得召見太后問  
狀對曰臣父已死臣家已破但惜陛下法為俊臣  
等所弄陛下不信臣言乞擇朝臣之忠清陛下素  
所信任者為反狀以付俊臣無不承受矣太后意  
稍悟並出唐書武后与人頴悟 大靈蘇味道以  
為瑞帥百官入賀殿中侍御史王求禮止之曰三  
月雪為瑞雪臘月雷為瑞雷乎味道不從既入求  
禮獨不賀進言曰今陽和布氣草木發榮而寒雪

為災豈得誣以為瑞賀者皆諂諛之士也太后為之罷朝 鄭普思謀作亂事覺西京留守蘇瓌寃治之普思妻第五氏以鬼道得幸於皇后上敕瓌勿治侍御史范獻思進曰請斬蘇瓌上曰何故對曰瓌為留守大臣不能先斬普思然後奏聞使之受惑聖聽其罪大矣流普思並出通鑑唐中宗唐武后欲以武三思為太子以問宰相狄仁傑曰姑姪與母子孰親立廬陵王則千秋萬歲後常享宗廟三思立廟不祔姑于廟后感悟即日遣迎廬陵王出唐書狄仁傑傳互入善於言語 端午日肅宗召見山人李唐帝方擁幼女顧唐曰我念之無怪也唐曰太上皇今日亦當念陛下帝泣然泣下出新唐書肅宗張后傳 承天皇帝俊既為張

良姊所搆肅宗怒而出死又欲搖動代宗李泌入  
朝從容語及倭事曰臣念得黃臺瓜辭曰種瓜黃  
臺下瓜孰子離離一摘使瓜好再摘令瓜稀三摘  
尚自可四摘抱蔓歸今已一摘矣謹無再摘上諤  
然自是奪宗之計不行 李光弼代郭子儀於朔  
方營壘士卒麾幟無所更而光弼一號令之氣色  
乃益精明出本傳並唐書 回紇吐蕃合兵圍涇  
陽郭子儀曰今衆寡不敵難以力勝昔與回紇契  
約甚厚不若挺身往說之可不戰而下也遂與數  
騎開門而出使人傳呼曰令公來回紇大驚其大  
帥藥葛羅執弓注矢於陣前子儀免冠辭用投槍  
而進回紇諸酋長相顧曰是也皆下馬羅拜葛羅  
曰懷恩欺我言天可汗已晏駕令公亦捐館中國

無主我是以敢與之來今知天可汗在上都令公  
復總兵於此懷恩又為天所殺我曹豈肯與公戰  
手出通鑑唐代宗互入鎮重大事 朱泚反諸生  
將從亂太學何蕃正色叱不聽故六館士無受污  
者出唐何蕃傳互入節操 辛京果以私扶殺部  
曲有司奏京果罪當死上將從之李忠臣曰京果  
當死久矣上問其故忠臣曰京果諸父兄弟皆戰  
死獨京果至今尚存臣以為當死久矣上憫然左  
遷京果諸王傳忠臣乘機救人多此類出通鑑唐  
德宗 韓思彥廵察劍南益州高贇兄弟相訟累  
年不決思彥敕厨宰飲以乳二人悟泣曰公將以  
兄弟共乳而生耶乃請輟訟出唐書 帝問公權  
用筆法對曰心正則筆正筆正乃可法矣時帝荒

涵故公權及之帝改容悟其以筆諫也出新唐書  
本傳互入嘿會高仁厚圓梓州久不下乃為書  
射城中遺其將士曰仁厚不忍城中玉石俱焚為  
諸君緩師十日使諸君自成其功若十日不送揚  
師立者當分見兵為五番番分晝夜以攻之於此  
甚逸於彼必困矣五日不下四面俱送克之必矣  
諸君圖之數日君雄大呼於衆曰天子所誅者元  
惡耳他人無預也衆呼萬歲出通鑑唐僖宗帝  
嘗敗於中牟踐民嫁中牟令當馬前諫曰陛下為  
民父母柰何毀其所食使轉死溝壑乎帝怒叱去  
將殺之敬新磨追擒至馬前責之曰汝為縣令獨  
不知吾天子好獵耶柰何縱民耕種以妨吾天子  
之馳騁乎汝罪當死因請行刑帝笑而釋之出通

鑑後唐莊宗

傳記景公使人養所愛馬馬病死公怒令人殺養馬者晏子請數之曰爾有三罪使汝養馬殺之一當死也又殺公素所喜馬二當死也使公以一馬之故而殺人百姓必怨叛諸侯輕伐待吾國三當死也公喟然曰赦之出晏子春秋 魏武行役失道三軍皆渴乃令曰前有大梅林梅子甘酸可以解渴

集鎮州亂殺其帥田弘正詔公往宣撫旣行疾驅入公告兇郎等以天寶來禍福為兇郎等明之安祿山史思明李希烈梁崇義朱泚吳元濟李師道復有若子若孫在乎亦有居官者乎衆皆曰無又曰令公以魏博六州歸朝廷為節度使後至中書



今父子皆授旌節子與孫雖在幼童者亦為好官  
窮貴極寵榮耀天下劉悟李祐皆居大鎮王承元  
梁始十七亦扶節此皆三軍所共聞也衆乃譁曰  
侍郎語是出皇甫湜作韓愈行狀 李懷光反所  
率皆朔方兵公知其謀與朱泚合也患之造懷光  
言曰公之功天下無與敵公之過未有聞於人主  
甚至上所言公之情上寬明將無不赦宥焉乃能  
為朱泚臣乎彼為臣而背其君苟得志於公何有  
公既為大尉矣彼雖寵公何以加此彼不能事君  
能以事公乎公能事彼而有不能事君乎彼知天  
下之怒朝夕戮死者也故求其同罪而與之比公  
何所利焉公之敵彼有餘力不如明告之絕而起  
兵襲取之清宮而迎天子廢人服而請罪有司雖

有大過猶持拚馬如公則誰敢曰議已懷光拜曰  
天賜公活懷光之命喜且泣公亦泣則又語其將  
卒如語懷光者將卒呼曰天賜公活吾三軍之命  
拜且泣公亦泣故懷光卒不與朱泚出韓文贈董  
太傳行狀 人變愁為喜歲易歉為豐出劉賓客  
懷泉鵠以好音清祲沴為和氣嚴冬變為韶景  
寒風鬱為和氣並出唐文粹 本朝文潞公知益  
州喜宴宴常宴鈴轄舍夜久不罷從卒輒折馬房  
為之薪不可禁遏軍校白之坐客股栗公曰天實  
寒可折與之神色自若飲宴如故卒氣沮無以為  
變出記聞 文彥博知永興軍或言陝西鐵錢不  
便乞一切廢之朝廷雖不從人多知之爭以鐵錢  
買物賣者不肯受長安民多聞肆僚屬請禁之彥

傳曰如此是愈使民惑擾也乃召絲絹行人出其家繻帛數百疋使賣之曰納其值盡以鐵錢勿以銅錢也於是衆知鐵錢不廢市肆復安出記聞慶曆中廣州有番禺死珍珠沒官上命取珠出禁中錢易之以賜張貴妃時禁中同列因是有於上前乞旨和買緣此京師珠價騰踊上頗知之一日上於別殿賞牡丹嬪妃畢集貴妃最後至乃以前日珍珠為首飾以誇同輩至上前上望見以袖掩面曰痛頭白紛紛的更沒些忌諱妃慙赧起易之乃大悅自是禁中更不戴珠珠價大減出明道集一語徑破千言牢出蘇東坡詩 漢武帝時人有殺上林鹿者下有司殺之東方朔曰是人有三當死使陛下以鹿之故殺人一也使天下聞重鹿

賤人二也旬奴即有急惟鹿觸之三武帝然然乃赦之